

公

羊

義

疏

皇清經解續編卷千二百一

南菁書院

公羊義疏十三

句容陳立卓人著

桓六年
盡七年

六年春正月寔來

寔來者何猶曰是人來也注猶曰是人來不錄何等人之辭

疏左傳云書曰寔來詩正義云春秋桓六年寔來左傳作實

說誤陳氏樹華云寔當作實石經傳作寔宋本同誤也按惠氏

是杜注乃云寔實也詩正義似未足據公羊問答云左氏注

寔鄭義云實當作寔趙魏之東實寔同聲寔是也按爾雅云

寔訓是不可從說文寔部寔正也段氏王裁注云召南毛詩

傳曰寔是也韓奕箋寔是也公羊寔來猶曰是人來也穀梁

義皆同此云寔正也即公穀毛鄭之寔是也詩寔命不猶即寔命
箋尚以持正釋寔而古多以寔為寔詩寔命不猶即寔命
是者徑釋寔編 公羊義疏十三

不實也大雅韓奕實墟實壑即寔墟寔壑也周語咨于故實

即故寔故章云故事之是者也實寔音義各殊山趙魏間實

寔同聲故相段借若注春秋曰寔實也則非錢氏大昕養新

錄云玉篇寔時弋切是也實時質切不空也兩字音義俱別

詩大雅實墟實壑實畝實藉箋云實當作寔趙魏之東實寔

同聲正義云春秋桓六年州公寔來左傳作實來由聲同故

字有變異也今本左氏亦作寔與詩正義所引異蓋孔氏所

據乃服虔本非杜本也觀禮伯父實來注今文實作寔是實

即寔之古文春秋穀為今文左氏為古文故二傳作寔來

左氏作實來杜元凱改從二傳失左氏古文之舊矣按書秦

誓是能容之禮大學作寔則又借是作寔秦惠王詛楚文曰

昔我先君穆公及楚成王是戮力同心是讀是為寔國策蘇

代曰白起是故川兵高注是實也故此以是解寔曰是人來

也○注猶曰至之辭○繁露玉杯云有文無質非直不子乃

少惡之謂州公寔來是也蓋是人來者略之之辭若曰是一

人來耳其何等入則不錄也春秋重詳略之旨故詳言之者

多美文其惡孰謂謂州公也注以上如曹書疏注以上如曹

者則略辭也曷為謂之寔來慢之也曷為慢之注據蔡上之

為六年化我曷為謂之寔來慢之也曷為慢之注據蔡上之

張木義相承曷為謂之寔來慢之也曷為慢之注據蔡上之

盟日疏注據蔡至盟日○見僖九年諸侯盟于葵丘傳曰桓

盟日疏之盟不日此何以日危之也何危爾桓公震而矜之

盟日疏之盟不日此何以日危之也何危爾桓公震而矜之

盟日疏之盟不日此何以日危之也何危爾桓公震而矜之

盟日疏之盟不日此何以日危之也何危爾桓公震而矜之

叛者九國是也舊疏云桓公廢於慢人而書曰化我也注行

危之本魯慢州公非敬逆之道是以据而難之

過無禮謂之化齊人語也諸侯相過至竟必假塗入都必朝

所以崇禮讓絕慢易戒不虞也今州公過魯都不朝魯是慢

之為惡故書寔來見其義也月者危錄之無禮之人不可備

責之疏注行過至語也○穀梁傳其謂之是來何也以其書

以過相朝即此注之過魯不朝也范云畫是相過去朝遠非

莊子齊物論化聲之相待若其不相待注是相過去朝遠非

蓋無禮故相辨也哀六年傳陳乞曰常之母有魚菽之祭願

諸大夫之化我也諸大夫皆曰諾於是皆之陳乞之家亦即

慢易之意行過不以賓主正禮也讀書叢錄云化我即上文

過我過化同聲因口授其字異耳哀六年傳願諸大夫之化

我也不得謂無禮無禮二字是注者增成云穀梁傳作畫我

注行

公羊義疏十三

將猶奉也帥猶道也請道已道路所當由又云下大夫取以
 入告出許遂受幣明道大夫迎于朝為賓主也然則過竟假
 途所以使鄰國有禮兼為己戒不虞也故隱四年遇于清注
 當春秋時出入無度禍亂姦宄多在不虞是也聘禮又云儀
 之以其禮上賓太宰積唯劬介皆有儀卿大夫且然國君可
 知皆所以崇禮讓絕慢易也又云誓于其竟賓南而上介西
 而眾介北面東上史讀書司馬執策立下其後注史於眾介
 之前北面讀書以救告士眾為其犯禮暴掠也禮君行師從
 卿行旅從司馬主軍法者執策示罰亦所以戒不虞并使鄰
 國有備也自虎通誅伐云諸侯家國入人家宜告主人所以
 相尊敬防并兼也春秋傳曰桓公假途于陳以伐楚禮曰使
 次介先假道用束帛即如是諸侯責王者道禮無往不反非
 所謂貴者也將入人國先使大夫執幣假道主人亦遣大夫
 迎于郊為賓主設禮而待之是其相尊敬也防并兼奈何諸
 侯之行必有師旅恐掩人不備士卒歛取恒遲先假途則預
 備之矣故昭六年左傳楚公子棄疾聘于晉過鄭禁芻牧采
 樵不入田不樵樹不采葢不抽屋不強旬明當時多不如此
 故傳記為美談也又宣十四年左傳楚子使申舟聘于齊曰
 無假道于宋亦使公子馮聘于晉不假道于鄭華元曰過我
 而不假道鄙我也鄙我亡也是不假道之事也當時諸侯猶
 以為醜焉○注今州至義也○繁露觀德云州公化我奪爵
 而無號亦書寔來見慢之為惡義也通義云上傳云過我此

云化我者前自具國如曹塗出于魯今自曹還復過魯遂止
不去將依於我而猶不能修禮來朝故責其化也仍牽涉左
氏不復其國之意○注月者至責之○舊疏云凡朝例時此
不朝故書月以見危不書日以見其危者無禮之人不可備
責也春秋正辭云來不
恒月決不王也非何義

夏四月公會紀侯于成穀梁釋文紀侯左氏作杞侯今本左

梁音義左氏作杞侯陳樹華云三年書公會杞侯于邾此作
紀侯疑傳寫之誤按公羊不以杞為侯爵故此及三年皆作
紀杜云成魯地在泰山鉅平縣東南穀梁作邾差繆略云成
穀梁作邾蓋邾之譌又與今本穀梁異供氏亮吉乾隆府廳
州縣志云成城在兗州府甯陽縣東北九十里魯成邑按甯
陽縣志曰舊曰故城社今并太平為一社曰太古社大事表
云在今兗州府甯陽縣東北九十里莊三十年次于成備齊
也襄十五年齊人圍成公救成於是城成邾後為孟氏邑定
十三年仲山為季氏宰將墮成公斂處父曰墮成齊人必至
于北門是魯之北境近齊之邑左傳校勘記云山并鼎云足
利本後人記
云成作邾

秋八月壬午大閱疏据麻八月無壬午七月

之八日九月之九日也

皇清經解續編 公羊義疏十三

引大閱傳作簡車徒也則所見本已誤衍不始於唐石經矣
又按李善注魏都賦謝朓登孫權放城詩並引公羊傳曰大
閱者何簡車馬也馬字蓋涉左傳而衍何注但言車不言馬
則本無馬字可知李所見本衍馬字徐所見本衍徒字皆誤
木也穀梁傳曰大閱者何閱兵車也不言馬亦不言徒與公
羊古木合○注大簡至習之○通義云閱如伐閱之閱簡如
簡稽之簡必取名簡閱者明主為簡按之周禮所謂校登其
夫家之取寡及其六畜車輦旗鼓兵器者是也先王之治安
不忘危存不忘亡井牧其田野而寄軍令焉居則有戶籍田
結行則有尺籍伍符故大師曰拱稽大役曰抱曆大田曰讀
書契凡所以使軍實可數卒兩可比然後等列辨少長順而
坐作進退之節可習按周禮大司馬以大閱專屬仲冬鄭注
至冬大閱簡軍實蓋周禮也簡有選義禮記郊特牲云簡其
車賦而歷其卒伍又王制簡不肖以紕惡皆選擇分別之義
故大司馬又云簡其鄉民也擇其兵車之何以書蓋以罕書
善者習之使可用固不徒習知其數已也

也注罕希也孔子曰以不教民戰是謂棄之故比年簡徒謂
之蒐三年簡車謂之大閱五年大簡車徒謂之大蒐存不忘
亡安不忘危不地者常地也蒐例時此曰者桓既無文德又

忽忘武備故尤危錄疏

注罕希也。通義云罕者不常舉也。魯忽略武備故重錄之。爾雅釋詁希

寡鮮罕也。注罕亦希也。詩鄭風叔發罕忌禮記少儀罕見曰

希也。注孔子至棄之。見論語子路篇。乘宋本作弃。漢書

刑法志云魯成公作甲哀公用田賦。括括治兵大閱之事

皆失其正。春秋書而譏之以存王道。於是師旅亟動百姓罷

弊無伏節死難之義。孔子傷之曰。以不教民戰是謂棄之意

謂用不教之民以戰是棄之也。班何之義大同。舊疏云何氏

之意與鄭別。按鄭氏論語注無考。公羊問答云問其異同安

在曰。殺梁博注何休曰。所謂教民戰者習之也。鄭君釋之曰

教民習戰而不用是亦不教也。按教民習戰者安不忘危存

不忘亡之意。不能無故而用鄭君義非。宋氏翔鳳過庭錄云

何以教為。習戰事故舉蒐狩之期。且證上章教民七年也。後

云與鄭別。知鄭不同。今其文不具。鄭意蓋以教民使知禮義

與信而後可以一戰。如左傳所說者。與毅梁僖三十三年傳

以其不教民戰則是一戰。如左傳所說者。與毅梁僖三十三年傳

武篇引論語皆無以字。後漢書博覽傳鄭太傅隋書經籍志

皆引孔子曰不教民戰是謂棄之。蓋齊魯論之異意亦謂平

日忽略武備不教民戰是謂棄之。注故比至忘危。舊疏云知

孔子曰不教而戰是謂棄之。注故比至忘危。舊疏云知

其年數。古漢禮猶然。經義述聞云。漢書刑法志連帥比年簡

徒卒正三年簡車羣牧五載大簡車徒說與何氏注同蓋西
漢以來公羊家舊有此說故漢志及何注皆祖述之要皆出
於傳文之分言簡車簡徒也此又一證矣說文門部
閱具數於門中蓋取其一一具數之意蒐與按通玉篇手都
按閱也是按閱同義小爾雅廣詁云閱搜具也按亦作度見
郊特牲釋文周禮度人注云度之言數與說文訓閱為具數
義亦合蓋蒐閱皆具數之義但事有小大故名各珠耳漢書
刑法志又云古人有言天生五材廢一不可誰能去兵鞭朴
不可弛於家刑罰不可廢於國征伐不可偃於天下是亦存
不忘亡安不忘危之義也○注不地者常地○舊疏引賈逵
注云簡車馬于廟也未知何意然否按授兵可於廟治兵不
可於廟舊疏云蓋在郊內是也○注蒐例時○舊疏云昭八
年秋蒐于紅定十四年夏大蒐于比蒲是也○注此日至危
錄○舊云以罕書又三年合大閱者惟見此明未循三年之
制知桓公忽忘武備也故危之舊疏云
例合書時而乃書日故以為尤危錄也

蔡人殺陳佗

陳佗者何陳君也注

以羅卒不書葬也疏

注以羅卒至葬也

王辰陳侯羅卒注云不書葬者佗子也佗不稱侯者嫌貶在
名例不當絕故復去羅葬也以春秋之義誅君之子不立陳

佗不君而見絕宜去其子葬今躡不書葬知佗是陳君矣去

躡葬者不君其父不成其子故也史記陳杞世家云桓公弟

佗其母蔡女故蔡人為佗殺五父及桓公太子免而立佗是

為厲公厲公取蔡女與蔡人亂厲公數如蔡淫七年厲公所

殺桓公太子免之弟長曰躍中曰林少曰杵曰共令蔡人

誘厲公好女與蔡人共殺厲公而立躍是為利公利公者桓

公子也利公立五月卒按左傳以佗即五父史記以佗殺五

父為厲公班固亦以厲公為桓公弟與史記同見索隱此又

躍為佗子均與左傳史記互異公羊既躍不書葬亦未陳君

知何謚為厲為利均不可考佗為桓公何人亦不可知陳君

則曷為謂之陳佗注據殺蔡侯般不言蔡般疏注據殺至蔡

般殺之于申是也絕也注絕者國當絕疏注絕者至當絕

諸侯有罪當絕其世也佗本弑立絕之不成為君故還令與

當國者同號按國當絕者亦謂佗不宜有國故曰國當絕陳

佗弑君公羊無文其書絕者自如木傳外淫說為正列女傳

伯贏曰諸侯外淫者絕用公羊義也包氏慎言誅絕例目云

春秋據二百四十二年已成之事以筆削其所貶美皆見末

正本將以垂戒於方來者也譏貶誅絕四者存秋之科條也

譏貶輕而誅絕重而譏貶之中實寓誅絕任城何劭公注公

羊於二者分別尤審誅有三等曰譏讓曰刑戮曰絕

四等國類曰奪土曰覆嗣曰滅宗廟社稷禮曰大罪有五
 逆天地者罪及五世不變古易常者是也逆人倫者罪及三世不
 文武者罪及四世變古易常者是也逆人倫者罪及三世不
 能事母殺世子母弟亂嫡庶者是也誣鬼神者罪及二世亂
 昭穆為淫祀者是也殺人人者罪止其身春秋所書罪止其身
 者鮮而罪及二世括其口分而錄之舉一反三自王公以下其
 文與何氏注槩括其口分而錄之舉一反三自王公以下其
 能免者無幾也故曰孔子成春秋而亂臣賊子懼此陳侯外
 淫据史記蔡為陳化母族亦即逆曷為絕之注据戕郈子不
 人倫者故奪其子葬以宗絕也曷為絕之注据戕郈子不
 絕疏注据戕至不絕○宣上八年邾婁子戕郈子賤也其賤
 奈何外淫也疏注莊二十三年祭叔來聘注不稱使者公一陳
 云國君淫於外甘為賤辱而不羞甘為賤辱者賤辱之徒也
 故絕奪其君位繁露王道云陳侯佗淫乎蔡蔡人殺之古者
 諸侯出疆必具左右備一師以備不虞今蔡侯恣以出入
 民間至死問里之庸甚非人君之行也又云觀乎陳佗知嫉
 淫之過毅梁傳陳佗者陳君也其日陳佗何惡乎淫注惡乎
 也匹夫行故匹夫稱之也亦賤之義也何惡乎淫注惡乎
 猶於何也疏注惡乎猶於何也禮記檀弓云吾惡乎用吾情

傳魯侯之美惡乎至注惡乎至猶何所至孟子梁惠王篇天
下惡乎定趙注問天下安所定也皆與於何義合故檀弓又
云吾惡乎哭諸言於何哭諸也論語里仁篇惡乎成名言於
何成名也孟子公孫丑篇敢問夫子惡乎長亦於何長也小
爾雅廣訓云惡乎於何也是也定元年穀梁傳惡乎長也小
得之注惡於何也是單言惡亦得有於何之訓也注于蔡蔡
人殺之注蔡稱人者與使得討之故從討賊辭也賤而去其

爵者起其見卑賤猶律文立子姦母見乃得殺之也不日不

書葬者從賤文疏注于蔡唐石經蜀大字本同鄂本闕本監

佗者文公少子也其母蔡女文公卒厲公兄鮑立是為厲公既

桓公病蔡人為佗殺桓公鮑及太子免而立佗是為厲公既

立娶蔡女蔡女淫于蔡人數歸厲公亦數如蔡桓公之少子

林怨厲公殺其父與兄乃令蔡人誘厲公而殺之厲公之殺

以淫出國故春秋曰蔡人殺陳佗罪之也又見陳杞世家均

與公羊義合左傳以佗與厲公為二無陳佗外淫事○注蔡
稱至辭也○隱四年衛人殺州吁于濮傳其稱人何討賊之
辭也注明國中人人得討之此書蔡人與彼同故注以為從
討賊辭也人者眾辭明與使得討也通義云傳不舉弑君為
重者其為蔡人討則以淫故故就本事明蔡得殺佗之義也

穀梁傳曰其不地於蔡也○注賤而至卑賤○解不書陳侯
義也穀梁所謂匹夫行故匹夫稱之是也○注猶律至之也
○舊疏云猶言對子姦母也○注不口至賤文○校勘記云
閩本監本毛本同誤也鄂本月作日當据正舊疏標起訖亦
作日解云陳佗是君而見弑例當書日即隱四年戊申衛州
吁弑其君完之屬是也君被外國殺者不責臣子不討賊例
合書葬即桓十八年葬我君桓公是也今不書日不書葬者從賤文故也

九月丁卯子同生疏九月無丁卯八月之二十
四日十月之二十五日也

子同生者孰謂謂莊公也注以夫人言同非吾子疏史記魯
世家云

夫人生子與桓公同日故名曰同同長為太子校勘記云唐
石經諸本同釋文作嚴公云音莊本又作莊按東漢改莊為
嚴故漢書五行志莊公多作嚴公○注以夫至吾子○即莊
元年傳夫人譖公於齊侯公曰同非吾子齊侯之子也是也
舊疏云正以道公疑非已子則是其長子同既繼體是長故
知為莊公按慶父莊公庶兄莊公與季友同母桓公以三年
娶六年生同公疑同非己子故知何言乎子同生注据君存
是嫡長莊公以別於慶父之庶也

稱世子子般不言生疏注据君至言生○君存稱世子莊三
十二年子般卒傳文魯世家莊公見

孟女說而愛之許立為夫人生子斑明斑生亦在莊公即位後不見經也按禮記疏引服虔云不稱太子者書始生蓋古

人立太子也亦如後世臨軒策拜始生時未必即喜有正也注

為太子也以其備用正禮故特書子以志喜喜有正也注

喜國有正嗣疏注喜國有正嗣也信母成風文母聖姜襄母定七昭

母齊歸哀母定嬖子般母孟任子野母敬歸皆妾子赤雖嫡

而母賤宣母頃熊本嫡又為信公所廢故唯莊公得正喜而

書之耳穀梁傳云疑故志之如前所說諸公本悉非正故不

志令實正者安知非不疑亦志必求其難獨成公未見妾母

或可謂宣夫人繆姜之子而繆姜有淫行未有言喜有正者

文姜適同何又不以疑志為此說者鄙哉未有言喜有正者

此其言喜有正何久無正也子公羊子曰其諸以病桓與注

其諸辭也本所以書莊公生者感隱桓之禍生於無正故喜

有正而不以世子正稱書者明欲以正見無正疾惡桓公日

者喜錄之禮生與來日死與往日各取其所見日也禮世子

生三日卜士負之寢門外以桑弧蓬矢射天地四方明當有

天地四方之事三月君名之大夫負朝于廟以名徧告之疏

趙氏坦寶號齋札記云公羊疏引衛宏序云子夏傳與公羊

高帝時壽乃其弟子胡母子都著於竹帛與董仲舒皆見於

圖識此傳子公羊子曰宣五年傳子公羊子曰此公羊傳非

高自作之明證又云莊十年定元年傳引子沈子莊三十年

傳引子司馬子閔元年傳引子女子哀四年傳引北宮子此

皆傳公羊之經師當在胡母生之前而莫悉其名耳按公羊

氏五傳乃著竹帛此公羊子或是高以後子孫所附益者不

得即定為傳非高所自作之證也○注其諸辭也○經傳釋

詞云其諸亦擬議之辭也桓六年公羊傳其諸以病桓與論

語學而篇其諸異乎人之求之與此曰辭也亦謂語辭也○

注本所至有正○序疏引春秋說云春秋書有七缺申之曰

惠公妃匹不正隱桓之禍生是為夫之道缺明隱桓之母皆

非嫡妃尊卑也微致啟亂階莊公以嫡夫人長子得國得夫

婦父子之正故喜其有正而書也○注而不至桓公○通義

云春秋之法誅君之子不立內無絕於公之道然奪其世所

以起賤桓公蓋微文也舊疏云若以正稱書宜言世子同生

同實世子而不以正稱書之是其以正見無正之義桓由不

者喜錄之○春秋詳略之旨日詳而時略喜有正故錄從日
 錄也○注禮生至日也○禮記曲禮云生與來日死與往日
 鄭注生數來日謂成服杖以死明日數也死數往日謂殯斂
 以死日數也與何氏此注異何氏亦訓與為數方至為來已
 過為往生以方至之日數死以已過之日數同是生死本日
 第以來往分說生死耳亦非以與來為數生之明日與往為
 數死之前日也○注禮世至告之○此約內則文禮記內則
 云國君世子生告於君接以太牢宰掌具三日卜士負之吉
 者宿齋朝服寢門外詩負之射人以桑弧蓬矢六射天地四
 方注桑弧蓬矢本太古也天地四方男子所有事也又云世
 子生則君沐浴朝服夫人亦如之皆立於阼階西鄉世婦抱
 于升自西階君名之乃降又云父執子之右手咳而名之妻
 對曰記有成遂左還授師子師辯告諸婦諸母名妻遂適寢
 夫告宰名宰辯告諸男名書日某年某月某日某生而藏之
 注宰屬也也春秋桓六年九月日某年某月某日某生而藏之
 宰辯告此記諸侯禮知常使大夫也說苑修文云弧蓬矢六射
 豫也豫者豫吾意也故古者兒生三日桑弧蓬矢六射天地
 四方天地四方者男子之所有事也必有其意其所有事然後
 敢食穀故曰不素殮兮此之謂也白虎通姓名云三月名之
 何天道一時物有其變人生三月日自虎通姓名云三月名之
 答故因其始有知而名之故禮服傳曰子生三月則父名之
 於祖廟於祖廟者謂子之親廟也明當為宗廟主也一說名

之於燕寢名者幼小卑賤之稱實略故於燕寢禮內則曰于
 生君沐浴朝服夫人亦如之立於阼階西南世婦抱子升自
 西階君命之嫡子執其右手庶子撫其首君曰欽有帥夫入
 日記有成告於四境四境者所以過絕萌芽禁備未然故會
 子問曰世子生三月以名告於祖禰內則記曰以名告於山
 川社稷四境天子太子使士負子於南郊以桑弧蓬矢六射
 者何也此男子之事也故先表其事然後食其祿必桑弧者
 桑者相逢接之道也保傅曰太子生舉之以禮使士負之有
 司齊肅端綏之郊見於大韓詩內傳曰太子生以桑弧蓬矢
 六射上下四方明當有事天地四方也禮內則又云子生男
 子設弧於門左女子設鏡於門右又郊特牲上使之射不能
 則辭以疾縣弧之義也注男子生而設弧於門左示有射道
 而未能也禮記曾子問曰世子生太宰命祝史以名徧告於
 五祀山川注因負子名之喪於禮略也則君薨世子生不必
 俟三月蓋見殯則名故會子問云某之子某從執事敢見謂
 見殯也若已葬之後則亦三月乃名故會子問云如已葬而
 世子生如之何孔子曰太宰太宗從太祝而告於禰
 三月而名于禰以名徧告及社稷宗廟山川是也

冬紀侯來朝注朝聘例時疏注朝聘例時○隱十一年春滕侯

年來聘及冬天王使凡伯來聘是也

七年春二月己亥焚咸丘疏二月無己亥己亥為正月之二十

南有咸亭大事表云在今曹州府鉅野縣南水經注濟水篇

黃水又東逕咸亭北桓七年焚咸丘者也一統志咸丘在曹

州鉅野縣南公羊以為邾婁之邑或先屬邾婁後為魯有也爾雅釋地左高曰咸丘

焚之者何樵之也注樵薪也以樵燒之故因謂之樵之樵之

齊人語疏莊子外物篇乃焚大槐釋文引司馬注焚謂霹靂

故杜注云焚火田也按樵疑樵之段借說文火部樵所以然

持火者也玉篇火部炬火也禮內則肝臂取狗肝一椀之以

其替濡炙之卑樵其臂不黎釋文作焦云字又作樵則即此

樵之義說文作樵云火所傷也玉篇火燒黑也是也又周禮

華氏掌其樵契以待卜事注杜子春云樵讀為細目樵之樵

或曰如薪樵之樵謂所焚灼龜之木也故謂之樵是樵樵逆

也○注樵薪至樵之○爾雅釋文引字林云樵薪也廣雅釋

木藥薪也左傳桓十二年云請無扞采樵者以誘之注樵薪

也說文木部樵散木也按樵木薪木因謂取薪為樵詩白華

云樵彼桑薪是也以薪燒物因亦謂之樵故杜子春讀樵為

樵也○注樵之齊人語○管子七臣七主云樵之者何以火

火暴焚地樵草節謂樵草也明當時有此語樵之者何以火

攻也疏

以火焚地謂之樵故以火攻城亦謂之樵也蓋凡以

燠謂未焚之木也用此木以燒

何言乎以火攻注據戰伐不

道所用兵疏

注據戰至用兵○謂經書

疾始以火攻也注征

伐之道不過用兵服則可以退不服則可以進火之盛炎水

之盛衝雖欲服罪不可復禁故疾其暴而不仁也傳不託始

者前此未有無所託也疏穀梁傳云疾其以火攻也解訪箋

遠也賤桓也○注征伐至仁也○司馬法云冢宰與百官布

令於軍曰入罪人之地無暴神祇無行田獵無毀土功無播

磨屋淮南子兵略云故聞敵國之君有加虐於民則舉兵而

臨其竟責之以不義刺之以過行兵至其郊乃令軍師曰毋

伐樹木毋挾墳墓毋刈五穀毋焚積聚毋捕民虜毋收六畜

皆所以禁暴也○注傳不至託也○託始如隱二年無駭入
極傳云始滅助於此乎前此矣前此則曷為始乎此託始焉
爾紀履綸來逆女傳云始不親迎訪於此乎前此矣前此則
曷為始乎此託始焉爾二事皆春秋前所有託始於彼為春
秋之始此火攻前此無有直始於桓公故只云疾始無庸託

也 咸丘者何邾婁之邑也疏 穀梁傳云其不言邾咸丘何 曷

為不繫乎邾婁注 據邢部部繫紀疏 元年齊師遷紀邢部部

也國之也注 欲使如國故無所繫加之者辟實國也疏 注欲

國也校勘記云闕本監本毛本實作寔誤鄂本作實當據

正若第云國也似詰咸丘為國曰國之明非國而國之也既

已國之故無所 曷為國之注 據邢部部不國疏 注據邢至不

繫似實國也 邢為國之注 據邢部部不國疏 國若國邢

部部則不 君存焉爾注 所以起邾婁君在咸丘邑明臣子當

繫之紀 赴其難與在國等也日者重錄以火攻也疏 注所以至等也

存二傳無文此本公羊先師所傳君在咸丘故通咸丘為國

猶置之通乎天下也又以貞邾婁臣子當赴其難主變臣辱

主辱臣死君父有急臣子宜共之也通義云諸言君存焉爾

者皆謂其國都也都不繫國者宮廟朝市所處故重錄之按

孔說未當如係邾婁國都直書邾婁矣國君所在猶言王所

焉耳雖外邑亦如都也注 日者至攻也 舊疏云正以侵

伐邾婁是也故決之 伐例時即隱七年秋公

夏穀伯綏來朝鄧侯吾離來朝疏

漢書地理志南陽郡宛陽故穀伯國續漢郡國志南陽郡

筑陽侯國到注杜預曰穀國在縣北大事表云今襄陽府穀城縣西十里有穀城山為穀國地桓七年穀伯綏來朝後不見經入于楚水經沔水篇又南過穀城東注沔水東逕穀城南而不逕其東矣城在穀城山上春秋穀伯綏之邑也壙闕頽毀基塹亦存元和郡縣志襄陽府又水經注沔水篇南過鄧縣十五里穀城是也今屬襄陽府又水經注沔水篇南過鄧縣東南入于沔縣故鄧侯吾離國也楚文王滅之秦以為縣

皆何以名注據滕辭不名也疏注據滕辭不名○即隱十一

失地之君也疏繁露滅國上云鄧穀失地而朝魯桓鄧穀失地不亦宜乎通義云曲禮諸侯失地名楚滅

鄧當莊公時此云失地者乃出奔非國滅也所傳問之世小國君奔猶未名以其來朝于我故名錄之穀鄧盛鄧皆失地之君易為或言奔或言朝來奔者寓於我之辭來朝其稱侯者非寓於我之辭按穀梁傳亦云其名何也失國也其稱侯

朝何注據以賤也疏注據以賤也○左傳云名賤之也以其

朝何故賤之曲禮諸侯失地名真春秋家言也是也杜以為

辟陋小國賤之禮不足故書名按穀鄧去東都不遠不得謂

公羊義疏十三

二

之辟陋若謂禮不足則宜同介葛盧書來牟人葛人亦東方
 僻陋小國亦止以朝惡人而人之亦不書名曲禮云諸侯不
 生名與下失地名正相成杜注非左氏旨矣左疏引服虔云
 穀鄧密邇於楚不親仁善鄰以自固卒為楚所滅無同好之
 救桓又有弑賢兄之惡故賤而名之亦非穀鄧即不朝魯亦
 無救於楚之滅謂其不親仁善鄰亦無据衛莫隆之難秦道
 靜之釋皆失
 左氏本義 貴者無後待之以初也注穀鄧本與魯同貴為

諸侯今失爵亡土來朝託寄也義不可卑故明當待之如初

所謂故舊不遺則民不偷無後者施於所奔國也獨妻得配

夫託衣食於公家子孫當受田而耕故云爾下去二時者桓

公以火攻人君故貶明大惡不月者失地君朝惡人輕也名

者見不世也疏以其尊當與諸侯同春秋傳曰寓公不世待

以初按此云貴者無後語未明白虎通所引春秋傳當是此

傳文也與何氏本異○注穀鄧至如初○禮郊特牲云諸侯
 不臣寓公注寓寄也疏引喪服傳云寄公者何失地之君也
 諸侯不臣者不敢以寄公為臣也明與主國同貴今雖失爵

亡土託寄於我義不敢卑也穀梁傳云失朝則其以朝言之
 何也嘗以諸侯與之接矣雖失國弗損吾異日也范引此傳
 待之以初解之禮喪大記君之喪未小斂為寄公國賓出大
 夫之喪未小斂為君命出是比寄公於大夫之君命也又云
 夫人為寄公夫人出命婦為夫人之命出亦比寄公夫人於
 命婦之夫人之命故注下云獨妻得配夫也又云君拜寄公
 國賓注皆寄公在國賓上其尊可知是亦待之以初一事也
 禮喪服寄公為所寓傳云言與民同也王氏士讓云按與民
 同亦寄公自處然爾其所寓之君則以客禮待之喪大記君
 之喪未小斂為寄公國賓出君拜寄公國賓於位夫人為寄
 公夫人出夫人亦拜寄公夫人於堂上是也然則穀鄧之君
 失國來託先王朝禮故書來朝與盛伯來奔異矣白虎通又
 載一說云或曰王者臣得復為諸侯臣者為衰世主上不
 賢者非其罪而去道不施行百姓不得其所復令得為諸侯
 臣施行其道易曰不事王侯此據言王之致事臣也言不事
 王可知復言侯者明年少復得仕于諸侯也按此自謂王朝
 卿大夫爾禮雜記云違諸侯之大夫不反服諸侯之臣可臣
 大夫知王者之臣可臣諸侯矣○注所謂至不倫○論語泰
 伯篇文釋文作不倫云本又作倫校勘記云按當依陸本作
 倫今本从人旁非周禮大司徒則民不倫今本亦改倫按倫
 倫古今字說文無倫字鄭箋詩有之○注無後至云爾○禮
 郊特牲云古者寓公不繼世注寓寄也寄公之子非賢者世

不足尊也所謂不繼世於所奔之國不繼世即無後之義謂
 不立後耳惟妻得配夫故喪大記待奇公夫人與奇公同其
 子孫則受田而耕矣其寶奇公之待國君亦與民同故奇公
 為所寓之君齊衰三月與庶人為國君同服故彼傳言與民
 同也雷次宗云既來受其惠宜敬於所託故與眾人同則即
 斥託衣食公家請事於蔡氏德晉云郝仲與謂奇公為衰世
 之禮非也禹會諸侯于塗山執玉帛者萬國至周初止千八
 百國而已則其間失國而為奇公者必多而其服由來舊矣
 賈疏云失地召者謂若禮記射義貢士不得其人數有讓諸
 爵削地削地盡君則奇在他國孔疏云或天子削地或被諸
 侯所逐皆為失地是必兼二義乃備也按失國之君蓋如狄
 人逼逐黎侯于衛之屬是也方比苞云失地之君不官述
 與民同而特制此服俾守宗社者知一旦可降為鄰國之庶
 人而慎乃有位也亦足示春秋垂戒之義戴氏望論語注云
 穀鄧失地之君來朝稱侯見王者當恩禮故舊不以貴賤異
 也俞氏樾云何解雖本郊特牲出公不繼世之義然與下句
 待之如初義不相承殆非也今按無後謂失其國非也說文
 后部后繼體君也后與後古通用故繼體君謂之后亦謂之
 後尚書洛誥王命周公後是也無後者其子孫不復繼體為
 君也然以其嘗託在侯伯之位故雖其子孫不復繼體為君
 而仍宜以侯伯之禮待之是謂貴者無後待之如初也國語
 晉語曰鄆之役親射楚王而敗楚師以定晉國而無後率注

無後子孫無在顯位者是卿大夫之子孫不能嗣守先人祿位亦為無後蓋古語如此矣按傳義自謂貴者雖無後而待之固如初耳不必如俞氏所解○注下去至大惡○穀梁此及四年注皆云下去秋冬二時甯所未詳按桓公以火攻人君內大惡所傳聞世於內大惡諱故去二時以起義也○注不月至輕也○舊疏云朝例時文十五年夏曹伯來朝是也而此責其月者以文十二年春王正月盛伯來奔傳云盛伯者何失地之君彼書月見其奔重宜厚遇之此不月朝惡人輕故也僖二十年夏郟子來朝僖公非惡人而不月朝輕於奔故也然則此注因朝桓惡人故然解若其不然宜直云失地之君來朝輕也○注名者至世也○舊疏云郟子盛伯皆不名者兄弟故也○

皇清經解續編卷千二百一終

子汝恭校字
常熟丁國鈞參校

皇清經解續編卷千二百二

南菁書院

公羊義疏十四

句容陳立卓人著

桓八年
盡十年

八年春正月己卯烝

疏包氏慎言云正月書己卯烝五月書丁

月又烝為兩也何注公羊云祭以首時薦以仲月正月為夏
正之仲冬月當有薦疑正月為二月二月之十六日為己卯
經以其非祭月薦月而烝故書以示護五月亦無丁丑六月
十六日也按於麻己卯為正月十四日六月十五日為丁丑

烝者何冬祭也春曰祠**注**薦尚非卯祠猶食也猶繼祠也春

物始生孝子思親繼嗣而食之故曰祠因以別死生**疏**注衛

天云春祭曰祠周禮大宗伯以祠春享先王繁露四祭云故

春曰祠又深察名號云春曰祠○注薦尚非卯○穀梁注云

春祭曰祠薦尚非卯禮王制說庶人之禮云庶人春薦非又

云非以卯注庶人無常牲取與新物相宜而已蓋天子諸侯

祭品不止非卯新物貴賤所同繁露四祭云祠者以正月始

皇清經解續編

公羊義疏十四

一

四時之所成受賜而薦之宗廟敬之性也於祭之而宜矣宗廟之祭物之厚無上也○注祠猶至死生○繁露祭義云始生故曰祠善其司也又云春上豆實豆實非也春之所始生也始生故曰祠善其司也爾雅郭注祠之言食詩疏引孫炎注祠之言食羣經音義引孫注祠食也孫郭二注皆本何爲說說文示部春祭曰祠品物少多文詞也仲春之月祠不用犧牲用圭璧更皮幣御覽引白虎通云物微故祠名之取微義按說文引月令作祠可爲春曰祠之證禮記祭義云春禘秋嘗皆彼鄭注云春禘者夏殷禮也周以禘爲殷祭更名春祭曰祠繁露四祭云古者歲四祭四祭者因四時之所生孰而祭其先祖父母也過時不祭則失爲人子之道也又祭義鄭注云合於天道因四時之變化孝子感時念親則以此祭之也是四時之祭皆孝子思親繼嗣而食之何氏特因祠馮首祭故發義於此又謂祠食皆疊嶺爲訓也夏曰酌

注薦尚麥魚麥始熟可酌故曰酌

疏禮記祭統云春祭曰酌

祭曰烝又王制云天子諸侯宗廟之祭春日酌夏曰禘秋曰嘗冬曰烝注此蓋夏殷之祭名周則改之春日酌夏曰禘秋曰嘗爲殷祭詩小雅曰酌祠烝嘗于公先王此周四時祭宗廟之名鄭以祭名與夏不同故定爲夏殷禮也說文示部酌夏祭也釋文酌本又作禘同爾雅釋天夏祭曰酌周禮大宗伯以禘夏享先王烝禘深察名號及四祭云夏曰酌○注薦尚

麥魚○王制云夏薦麥麥以魚繁露四祭云初者以四月食
麥也又祭義云夏上尊實尊實魁也夏之所受初也十行本
魚作苗闕本監本毛本作魚校勘記云苗字誤當从魚穀梁
注夏祭曰輪薦向麥魚○注麥始至曰初○闕本監本毛本
脫麥字依宋本補正校勘記云穀梁疏引同今本無麥字者
誤脫也段云此上初字當作初以初訓初同音詰訓法也初
亦作論爾雅郭注新菜可為禮疏引孫注初者新菜可為初
虎通云夏日禴者麥熟進之義皆同繁露祭義云夏約故曰
初約也秋曰嘗注薦向黍肫嘗者先辭也秋穀成者非一黍

先熟可得薦故曰嘗疏爾雅釋天云秋祭曰嘗周禮大宗伯

祭篇並云秋曰嘗○注薦向黍肫○王制云秋薦黍黍以豚

繁露四祭云嘗者以七月嘗黍稷也又祭義云秋上執實執

實黍也秋之所先成也說文無肫字穀梁注亦云秋祭曰嘗

薦向黍肫釋文肫木又作豚爾雅釋蟲注猫豚也釋文本又

作肫或作肫詩閔宮傳毛無豚也釋文字又作肫音書音義

下肫亦豚字曹憲廣雅注世人作肫或作肫或肫或純並失

之蓋皆通也○注嘗者至曰嘗○爾雅郭注云嘗新穀詩疏

引孫炎云嘗嘗新穀禮疏引白虎通云嘗者嘗新穀熟而嘗

之繁露祭義云先成故曰嘗嘗言甘也此何先辭所本也一
切經音義引廣雅云嘗嘗也禮檀弓注云嘗猶試也事未全

行先暫試之故曰嘗亦如飲食未能大飲先口嘗之亦曰嘗也禮記少儀云未嘗不食新鄭注嘗謂薦新物於寢廟若月令凡食新者皆曰嘗蓋散文通也是以說文旨部嘗口味之也亦謂先以口試之廣雅釋詁亦云嘗試也皆有先義惟月令以雞嘗黍非食新故鄭注云此嘗雞也而云嘗黍不以牲主穀也云黍先熟者管子輕重篇以夏日至始數四十六日夏盡而秋始而黍熟天子祀于太祖其盛以黍黍者穀之美者也蓋黍之下種在櫻梁之後其收也在櫻梁之先故黍之播種也于小滿芒種夏小正曰五月種黍其收也在立秋白露月令孟秋之月農乃登穀天子嘗新先薦寢廟所薦黍也熟當冬曰烝注薦尚稻雁烝眾也氣盛貌冬萬物畢成所薦作孰

眾多芬芳備具故曰烝無牲而祭謂之薦天子四祭四薦諸侯三祭三薦大夫士再祭再薦祭於室求之於廟祭於堂求之於明祭於祔求之於遠皆孝子博求之意也大夫求諸明士求諸幽尊卑之差也殷人先求諸明周人先求諸幽質文之義也禮天子諸侯卿大夫牛羊豕凡三牲曰太牢天子元

士諸侯之卿大夫羊豕凡二牲日少牢諸侯之士特豕天子

之牲角握諸侯角尺卿大夫索牛疏爾雅釋天云冬祭日烝

享先王繁露深察名號四祭並云冬日烝注薦尚稱雁○

王制云冬薦稻又云稻宜雁繁露四祭云烝者以十月進初

稻也又祭義云冬上敦實敦實稻也冬之所畢熟也雁十行

本鄂本作鴈王氏念孫曰此鴈謂鶉非謂鴈也卵魚豚鴈皆

民家所常畜故庶人薦之按天子諸侯所用鴈亦宜然穀梁

注冬祭日烝薦尚稻鴈注烝烝也冬之所成者眾繁露祭義云畢熟故曰烝

云烝之為言眾也冬之所成者眾繁露祭義云畢熟故曰烝

烝言眾也爾雅郭注進品物也禮疏引孫炎云烝進也進品

物也烝皆取義於進何氏本之董生班固也義皆通注無

牲至之薦注穀梁注無牲而祭日薦薦而加牲日祭禮各異

也義本此獨斷云薦考妣於適寢之所祭春薦非卵夏薦麥

魚秋薦黍豚冬薦稻雁制無常牲取與新物相宜而已通典

禮九云高堂隆亦云按舊典天子諸侯月有祭事其孟則四

時之祭也三牲黍稷時物咸備其仲季月皆薦新之祭也

大夫以上將之以羔或加以犬而已不備三物也士以豚庶

皆足太牢而祭不必有餘羔豚則薦新之禮也太牢則時祭

之禮也詩云四之日其蚤獻羔祭韭周之四月夏之二月也

皇齊經降賈扁公羊義疏十四

三

月令仲春天子乃獻羔開冰季春之月天子始乘舟薦鮪仲
 夏之月天子乃嘗魚咸薦之寢廟此則仲月季月薦新之禮
 也注引譙周禮祭集志云天子之廟始祖及高曾祖考皆月
 朔加薦以象平生之朔食也謂之月祭祧之廟無月祭也凡
 五穀成熟珍物新成天子以薦宗廟禮未薦不敢食新孝敬
 之道也其月朔薦及臘薦薦新皆奠無尸故羣廟皆一朝之
 間祭畢按王制云大夫士宗廟之祭有田則祭無田則薦注
 有田者既祭又薦新祭以首時薦以仲月士薦牲用特豚大
 夫以上用羔所謂羔豚而祭百官皆足詩曰四之且其蚤獻
 羔祭非然則鄭氏亦以羔豚而祭為薦新之祭其高堂氏所
 本與所謂無牲者亦非盡無牲意謂不備三牲耳故月令以
 薦嘗麥以人嘗稻雖薦新亦用此犬諸品也故舊疏引中雷
 禮云祭五祀于廟用牲有尸皆薦于奧明亦用牲也其宗廟
 之薦以新物為主緣孝子感物思親不同常祭故繫籩四祭
 云孝子孝婦緣天之時因地之利地之菜茹瓜果藝之稻麥
 黍稷菜生穀熟永思吉日供其祭物齊成沐浴潔清致敬祀
 其先祖免於罪矣王制疏云此薦以仲月謂大夫士也既以
 讓亦始免於罪矣王制疏云此薦以仲月謂大夫士也既以
 百時祭故薦用仲月若天子諸侯禮尊物熟則薦之不限孟
 仲季故月令孟夏薦麥孟秋薦黍冬薦稻是也大夫既薦
 以仲月而服虔注昭元年左傳祭人君用孟月人臣用仲月
 不同者非鄭義也南師解云祭以首時謂大夫士也若得祭

特豚不用成牲也大夫以羔者以諸侯大夫有地者祭用少
 牢則無地者薦則用羔也按鄭云以上則包天子諸侯在內
 不專指無地者言雖有地大夫亦止用羔豚皆不得云牲
 故何氏云無牲而祭謂之薦也○注祭於至意也○禮記郊
 特牲云詔視于室坐尸于堂鄭注謂朝事時也朝事延尸於
 戶西南而布主席東面取牲腍臂燎于爐炭洗肝於鬱鬯而
 燔之入以詔神于室又出以墮於主前主人親制其肝所謂
 制祭也時尸薦以籩豆至薦熟乃更延主于室之奧尸來升
 席自北方坐于主北焉按祭於室謂灌時及饋食禮也祭於
 堂謂朝踐禮也故郊特牲又云直祭視于主注謂薦孰時也於
 如特牲少牢饋食之為也直正也祭以孰為正則血腥之屬
 盡敬心耳室內而堂外亦有幽明之別故也郊特牲又云索
 祭視于所不知神之所在於彼乎於此乎或諸遠人乎祭于
 所視曰求諸遠者與所為言也鄭注索求神也廟門曰
 所視曰求諸遠者與所為言也鄭注索求神也廟門曰
 廟門之內詩楚茨云種一祭視于所視曰求諸遠者與所為言也
 與祭同日也二楚茨云種一祭視于所視曰求諸遠者與所為言也
 之也即上云索祭于所視曰求諸遠者與所為言也鄭注索求神也
 是也今此云索祭于所視曰求諸遠者與所為言也鄭注索求神也
 于堂為祭于外注明祭日釋祭也謂之日矣禮記禮器云設祭
 名焉其祭之禮既設祭於室而事尸於堂孝子求神非一
 處也皆博求之意也故下又云故曰於彼乎於此乎注云不

知神之所在是也向者庶幾之辭尚曰求諸遠言於遠處求也○注大夫至差也○舊疏云自天子四祭四薦至此皆時王之禮中禘禮亦然按大夫求諸明士求諸幽或亦先後之殊耳然考禮少牢饋食禮大夫禮也特牲饋食禮士禮也禮節相同無求明求幽之別且大夫士亦無裸獻之禮自饋孰始故曰饋食故鄭目錄云祭祀自孰始曰饋食也天子諸侯宗廟之祭始祼神次薦腥次薦孰故周禮肆獻裸饋食分三節祼為一節獻為一節肆與饋食為一節大夫止肆饋食以薦孰言曰肆以薦黍稷言曰饋食也祭祀用食道衰近為殺川血腥法古為隆大夫士以食道事神無薦腥以上事為殺於天子諸侯也○注殷人至義也○禮郊特牲云殷人先求諸陽周人先求諸陰鄭注此其所以先後異也按彼土云殷人向馨臭味未成滌蕩其聲樂三闋然後出迎牲聲音之號所以詔告於天地之間也聲是陽是是先求諸明也又云周人向臭灌用鬯臭鬱合鬯臭陰達於淵泉灌以圭璋用玉氣也既灌然後迎牲致陰氣也蕭合黍稷與陽達於臚屋故既奠然後禘蕭合羶蕭先灌以致陰是先求諸幽也故熊氏云殷人先求諸陽謂合樂在灌前周人先求諸陰謂合樂在灌後與降神之樂別殷質周文知質文之義也周禮大宗伯注云殷人先求諸陽周人先求諸陰灌是也祭必先灌然後薦腥賈疏云殷人先求諸陽謂未灌先合樂周人先求諸陰謂未合樂先灌亦本郊特牲為說殷不向氣而向聲未殺牲而先

動樂以求神以鬼神在天地間先用樂之音聲號呼庶神明
 聞之而來是先求陽之義也○注禮天至特豕○禮禮器云
 是故君子太牢而祭謂之禮匹士太牢而祭謂之攘鄭注君
 子謂大夫以上孔疏大夫常祭少牢遣奠及卒哭祔用太牢
 撫禮本有匹字作正字者有通者云天子大夫常祭亦太牢
 故此文云大夫太牢而祭謂之禮正也諸侯大夫自常祭少
 牢則一等乃太牢耳少牢饋食是諸侯大夫禮也崔氏亦用
 此義大戴禮曾子天圓云諸侯之祭牲牛曰太牢大夫之祭
 牲羊曰少牢士之祭牲特豕曰饋食盧注天子之大夫亦太
 牢天子之士亦少牢孔氏廣森補注云太牢舉牛以該羊豕
 少牢舉羊亦該豕也國語曰士食魚炙禮以特牲大夫舉以
 特牲禮以少牢卿舉以少牢祀以特牲牛諸侯舉以特牲牛以
 太牢天子舉以太牢祀以會是則天子之大夫祭如諸侯天
 子之士祭如大夫明矣故儀禮少牢饋食禮鄭自錄云諸侯
 之卿大夫祭其祖禘於廟之禮羊豕曰少牢特牲饋食禮目
 錄云謂諸侯之士以歲時祭其祖禘之禮疏曲禮云大夫以
 索牛士以羊豕被天子大夫士此儀禮特牲少牢故知是諸
 侯大夫士也周禮宰夫注云三牲牛羊豕具為一牢王制云
 天子社稷皆太牢諸侯社稷皆少牢知太牢三牲具少牢止
 羊豕也經義通聞云孔說非也天官注牛羊豕具為一牢晉
 語韋注凡牲一為特二為牢則凡稱牢者皆非一牲若云諸
 侯之祭牲牛大夫之祭牲羊則是一牲矣記當謂之特牲何

得向謂之牢乎尋檢文義牛下蓋脫羊豕二字羊下蓋脫豕
字公羊注天子諸侯卿大夫牛羊豕凡三牲曰太牢天子元
士諸侯卿大夫羊豕凡二牲曰少牢諸侯士特豕此篇正文
及注多與彼同則諸侯之祭牲牛下亦當有羊豕二字大夫
之祭牲羊下亦當有豕字寫者脫去耳盧注不釋太牢單稱
牛少牢單稱羊之義則所據本不脫也曰饋食曰字亦衍蓋
因上文兩日字衍也特豕饋食四字連讀按王說是也王
引此注又解卿大夫曰卿大夫上當有天子之三字盧注云
天子之大夫亦太牢也是也萬氏斯大儀禮商云特牲禮牲
用特豕士禮也故士虞禮牲亦特豕而禘記則云下大夫之
虞也特牲則大夫亦特豕矣少牢禮牲用羊豕大夫禮也而
曲禮則曰大夫以索牛士以羊豕則士亦用少牢矣禮文所
載參錯不一由衰周之季列國大夫恣行僭罔記者就所
見筆以成書故或儉或豐斷難盡一雖然聖人制禮明者述
焉彼前以三鼎後以五鼎者非孟子與禮大夫士降殺以兩
則三鼎為上時五鼎為大夫時矣即此證之儀禮士虞特牲
俱三鼎其為士禮無疑少牢五鼎其為大夫無疑又士虞特
牲皆九飯而少牢十一飯亦見降殺以兩之意按萬氏不信
賈疏分別天子諸侯之卿大夫士與諸侯之說故如此議夫
命位不同禮亦異數天子之大夫士與諸侯之大夫士命數既殊則
禮亦宜異何疑之有胡氏培帶儀禮正義反以萬說為是慎
矣○注天子至索牛○校勘記云握監本毛本同作搔誤也

鄂本作握儀禮經傳通解穀梁疏引作握當据正岡本握字
 削改蓋本作握後反据誤本改按如是握字釋文宜為作音
 知陸本亦作握字矣禮王制祭天地之牛角薦栗宗廟之角
 握賓客之角尺鄭注握謂長不出膚疏鄭注投壺禮云四指
 曰扶扶即膚也此注止述宗廟禮故角尺索牛者禮記曲禮云大
 故以天子待賓客者事宗廟故角尺索牛者禮記曲禮云大
 夫以索牛注索求得而用之以祭義云天子諸侯必有養獸
 之官又云犧牲祭牲必於是取之故郊特牲云帝牛必在滌
 三月稷牛唯具也大夫以下卑無滌養之儀祭時則求諸牲
 但擇其中犧者耳九經古義云喪元年左氏傳萊人賂夙沙
 衛以索馬牛杜氏云簡擇好者周禮牛人祭祀共求牛求牛
 猶索牛也按國語楚語云觀射父曰大者牛羊必在滌三月
 少者犬豕不過十日則大夫索牛亦當
 如天子諸侯之犬豕宜十日以上矣 常事不書此何以書

護何譏爾譏亟也注亟數也屬十二月巳烝今復烝也不異

烝祭名而言烝者取冬祭所薦最多可以包四時之物疏通

云傳於田狩祭祀特發常事不書例者每歲舉之不可廢書
 第書其失禮者而已至於昏姻喪紀雖有常禮而無常年故
 隨事皆書穀梁云親迎恒事不志似製常事不書之言而失
 其本旨遂誤宋元學者以一經所書皆為非常而事事鑿求

其說隱三年解詁謂平王崩魯隱住奔喪其意亦以為得禮

不書則何氏已謬解此傳矣按魯隱奔喪得常不書係疏家

之言然亦未為不可通也若如孔說其何以解文九年叔孫

得臣如京師葬襄王之傳且昏相喪紀亦未必隨事皆書也

○注函數也○禮記少儀云函見曰朝夕鄭注函數也爾雅

釋言云其曠函也郭注函亦數也是也○注屬十至烝也○

舊疏云烝者冬祭之名明去年十二月已烝但得常不書今

正月復作烝故言函通義云斯似事之不然烝祭法用周之

季冬夏之孟冬卜祭先近曰不吉則仲冬之本可以承孟冬

之末故以周正月烝也正月烝五月復烝乃所謂烝耳主議

者在下不言春烝則夏烝之數不見故傳釋經兩烝統為議

巫非再議也知不然者果如孔義則春烝正為得禮傳何為

識之正月烝五月復烝傳於五月發議巫之傳亦足以明矣

何為預於正月得禮之祭議云明十二月烝祭甫行今正月

又烝五月復烝皆為巫祭故傳兩議之傳自為義也十二月

烝常祭得禮故不見何必又設一卜不吉之法以遷就已說

○注不異至之物○所薦毛本作所屬誤依十行本鄂本正

舊疏云烝者冬祭名今宜易名而猶言烝故說之按春夏既

不及冬物眾多蓋巫則黷黷則不敬注黷深黷也疏注黷深

當時第取烝名與巫則黷黷則不敬注黷深黷也疏注黷深

文選注引國語賈注云黷黷也後漢書陳蕃傳注黷深也○

襄也廣雅釋言贖狎也禮記少儀毋瀆神注瀆謂數而不敬皆與潔贖義近又祭義云祭不欲數數則煩煩則不敬數煩也聖人之所謹也不多而欲潔清不貪數而欲恭敬君子

之祭也敬而不贖注君子生則敬養死則敬享故將祭宮室

既修牆屋既蒸百物既備序其禮樂具其百官散齊七日致

齊三日夫婦齊戒沐浴盛服君牽牲夫人奠酒君親獻尸天

人薦豆卿大夫相君命婦相夫人洞洞乎屬屬乎如弗勝如

將失之濟濟乎致其敬也愉愉乎盡其忠也勿勿乎其欲饗

之也文王之祭事死如事生孝子之至也疏注君子至敬享

云享猶祭也饗也君子緣生以事死故生則致其養死則致

其享也注故將至百官注亦是祭義文今祭義結作設鄭

注云脩設謂掃除及黜聖亦即結義按作繕是也說文系部繕補也詩鄭風箋云繕之言善也左傳僖十五年注繕治也與脩義合彼文宮室既脩三語承孝子將祭文下下又云序其禮樂備其百官備亦具也注百官助主人進之是也上答

子贖問亦有此二語注言祭事既備使百官既備使百官助
已祭也○注散齊至三日○祭義云致齊於內散齊於外齊
之日思其居處思其笑語思其志意思其所樂思其所嗜齊
三日乃見其所為齊者鄭注致齊思此五者也散齊七日不
御不樂不弔耳見所為齊者思之熱也即致齊也故祭統云
是故君子之齊也專致其精明之德也故散齊七日以定之
致齊三日以齊之定之謂齊齊者精明之至也然後可以
交於神明也注定者定其志義也又云夫人亦散齊七日致
齊三日明祭必夫婦親之也舊疏云致齊者即鄭氏云致之
言至致謂深也審也之屬是也○注夫婦至盛服○亦祭義
文坊本禮記脫盛服二字禮記祭統云君致齊於外夫人致
齊於內然後會於太廟又中庸云齊明盛服盛服者祭統云
君純冕立於阼夫人副禕立於東房之屬是也○注君牽至
夫人○亦祭義文祭義酒作益無親字鄭云奠益設盥齊之
奠也此時君牽牲將薦毛血君獻尸而夫人薦豆謂釋日也
熊氏說同皇氏疑此奠益在牽牲之時於事太早以奠益為
洗牲經傳無洗牲以酒之文宜為孔氏所駁也按鄭以為釋
祭者以有司徹記上大夫饋尸禮云主人獻尸主婦自東房
薦韭菹醢與此君獻尸夫人薦豆合大夫饋尸即天子諸侯
大夫之釋祭故也按正祭君率牲時夫人設盥尊至君制祭
獻尸後夫人酌盥以獻尸亦無不可故祭統云及迎牲君執
芻劑大夫從士執芻宗婦執盥從夫人薦說水君執鸞刀羞

嘒夫人薦豆亦序執盞在牽牲後祭義祭統皆科舉君夫人

之禮不必拘九獻之次故以為正祭亦無妨何氏義當然也

○注洞洞至失之○亦祭義文廣雅釋訓云洞洞屬屬敬也

下又云洞洞屬屬然如弗勝如將失之皆所以狀敬慎也即

嚴威儼格之義也○注濟濟至之也○亦祭義文彼云齊齊

乎其敬也愉愉乎其忠也勿勿諸其欲其饗之也是何鄭所

見本之異鄭云勿勿猶勉勉愛之貌○注文王至至也○

亦祭義文彼云文王之祭也事死者如事生思死者如不欲

生孝子之至也為注者語說苑修文云聖主將祭必絜齊精

思若親之在方典未登憫憫懂懂專一想親之容貌彷彿此

孝子之誠也四方之助祭空而來者滿疏則怠怠則忘注怠

而反虛而至者實而歸皆取法則焉疏則怠怠則忘注怠與不敬違禮莫

懈疏祭義云祭不欲疏疏則怠怠則忘注怠與不敬違禮莫

喜亂必怠韋注怠懈也左傳文十士不及茲四者則冬不裘

五年云君弱不可以怠注怠懈也士不及茲四者則冬不裘

夏不葛注禮本下為士制茲此也四者四時祭也疏數之節

靡所折中是故君子合諸天道咸四時物而思親也祭必於

夏之孟月者取其見新物之月也裘葛者御寒暑之美服士

有公事不得及此四時祭者則不敢美其衣服蓋思念親之

至也故孔子曰吾不與祭如不祭疏通義云言士者舉下以

祭於四者科舉其二而已按孟子滕文公篇惟士無田則亦

不祭牲殺器皿衣服不備不敢以祭則不敢以宴亦猶此意

○注禮本至士制○禮士冠記云無大夫冠禮而有其昏禮

鄭注周之初禮年未五十而有賢才者試以大夫之事猶服

士服行士禮是士冠禮可以上達故昏禮亦止有士禮也賓

禮亦有士相見禮故儀禮漢書儒林傳謂之士禮知禮本皆

為士制其大夫以上蓋夏殷以後日趨於文節文遞加始得

有天子諸侯諸等殺與吳氏廷華儀禮疑義云徐以升謂下

記云天子之子猶士也天子無生而貴者則自天子之子以

下凡入學者皆可以士名之見此經為天下之通禮其說是

也舊疏云即士喪禮士虞士相見之屬是也言此者欲道庶

人無禮篇即曲禮上篇禮不下庶人鄭注云為其遽於事且

不能備物義亦通於此○注茲此也○詩泉水云茲之永歎

箋云茲此也書大誥卜陳惟若茲漢書翟義傳作卜陳惟若

此左傳隱元年云無茲許公復奉其社稷杜云茲此也○注

四者至親也○禮記祭義云是故君子合諸天道春禘秋嘗

霜露既降君子履之必有怵惕之心非其寒之謂也春雨露

既濡君子履之必有怵惕之心如將見之鄭云合於天道因

四時之變化孝子感時念親則以此祭之也非其寒之謂謂
 悽愴及恍惚皆為感時念親也繁露祭義云宗廟上四時之
 所成受賜而薦之宗廟敬之性也又云奉四時所受於天者
 而上之為上祭貴天賜且尊宗廟也一年之中天賜四至
 則上之此宗廟所以歲四祭也又四祭云古者歲四祭故春
 日祠夏日酌秋曰嘗冬曰烝此言不失其時以奉祀先祖也
 是也○注祭必至月也○髮子春秋內篇諫上云天子以下
 至士祭以首時繁露四祭篇說祠嘗烝亦分屬正月四月
 七月十月祭必先薦之乃取食之尊天敬宗廟之心也○注裘
 新天賜至必先薦之乃取食之尊天敬宗廟之心也○注裘
 葛至美服○闕本監本毛木禦作御十行木鄂本作禦當據
 收釋文作御玉篇衣部裘皮衣也說文紳部葛絺絺草也詩
 葛覃葛之覃兮傳葛所以為絺絺是裘葛為衣之美者也故
 詩詠熊羆是裘又云狐裘黃黃士冠陳設冬夏履亦皮葛並
 用焉○注士有至不祭○論語八佾篇文儀禮疏引鄭注云
 孔子或出或病不自親祭使攝者為之不致肅敬之心與不
 祭同何氏謂士有公事不得與祭則不敢美其衣服下引論
 語為證其說不與鄭氏同故禮特牲饋食注云士賤職養時
 至事暇可以祭則筮其日矣賈疏時至事暇可以祭者若祭
 時至有事不得暇則不可以私廢公也若大夫以上尊時至
 唯有喪故不祭自餘吉事皆不廢祭若有公事及病使人攝
 祭故論語孔子云吾不與祭也然則士卑因公不及祭者多

故注舉士言之其實大夫亦存公事不得及時祭時也孔子之不與祭蓋兼為士為大夫時矣繁露祭義篇君子之祭也恭親之致其中心之誠盡敬潔之道以接亟尊故鬼享之享之如此乃可謂之能祭祭者察也以善逮鬼神之謂也善乃逮不可聞見者故謂之察祭之為言際也與察也祭然後能見不見見不見之見者然後知天命鬼神知天命鬼神然後明祭之意明祭之意乃知重祭事孔子曰吾不與祭祭神如神在重祭事如事生亦思念親之至義也

天王使家父來聘注家采地父字也天子中大夫氏采故稱字

不稱伯仲也疏注家采至仲也○禮士冠禮注引作家甫詩

字周大夫也以家連父稱故知是字孔疏知字是大夫者春

秋之例天子大夫則稱字桓十五年天王使家父來求車文

與此同故知此字亦大夫也桓十五年上距幽王之卒七十

五歲此詩不知作之早晚若幽王之初則八十五歲矣韋昭

以為平王時作此詩不宜作在平桓之世而上刺幽王但古

人以父為字或累世同之宋大夫有孔父其父正考父其子

木金父此家氏或父子同字未必是一人也按春秋之例上

大夫稱伯仲之字五十之字也即隱元年祭伯隱九年南季

之字而繫以采其與幽王時之家父非一人明矣通義云家且字父者配字之稱冠禮字辭曰伯某甫是也家父亦下大夫按孔本鄭氏爲說而以稱子者爲上大夫稱伯仲者爲中大夫故以此稱字者爲下大夫而以詩文證之則父子不應同字其采邑則其世守不嫌於同故知爲采地也穀梁范注亦以家爲氏

夏五月丁丑烝

何以書譏亟也注與上祀同爲亟也

疏穀梁傳烝冬事也春

敬也然則穀梁亦以正月烝爲十二月烝春夏又再烝故上傳云烝冬事也春與之志不時也何氏謂與上祀同爲亟蓋自冬至夏凡三烝也

秋伐邾婁

冬十月雨雪

何以書記異也何異爾不時也注周之十月夏之八月未嘗

雨雪此陰氣大盛兵象也是後有郟師龍門之戰汜血尤深

疏漢書五行志云傳曰聽之不聰是謂不謀厥咎急厥罰恆
殺叔草皆常寒之罰也○注周之至象也○五行志又云桓
公八年十月雨雪周十月今八月也未可以雪劉向以為時
夫人有淫齊之行而桓有妬媚之心夫人將殺其象見也桓
不覺寤後與夫人俱如齊而殺死凡雨陰也雪又雨之陰也
出非其時適近象也董仲舒以為象夫人專恣陰氣盛也取
應皆與何殊○注是後至尤深○釋文坏古流字下十年齊
侯衛侯鄭伯來戰于郎傳近也惡乎近近乎團也又十三年
公會紀侯鄭伯己巳及齊侯宋公衛侯燕人戰舊疏引春秋
說云龍門之戰民死傷者滿溝即此注之坏血尤深也按彼
傳亦云近也惡乎近近乎團郎亦近矣郎何以地郎猶可以
地也明二役皆危而龍門之戰尤甚
故注舉為雨雪之應所以為兵象也

祭公來遂逆王后于紀

祭公者何天子之三公也注天子置三公九卿二十七大夫

八十一元士凡百二十官下應十二子祭者采也天子三公

氏采稱爵疏注天子至二子○白虎通封公侯云三公九卿

是書經解賈疏公羊義疏十四

二子舊疏引春秋說云立三台以爲三公北斗九星爲九卿
 二十七大夫爲內宿部衛之列八十一紀以爲元士凡百二
 十官焉下應十二子宋氏云十二次上爲星下應山川也後
 漢書注引漢舍孽云三公在天爲三台九卿爲北斗故三公
 象五岳九卿法河海二十七大夫法山陵八十一元士法谷
 阜合爲帝佐以匡綱紀繁露官制象天云王者制官三公九
 卿二十七大夫八十一元士凡百二十人而列臣備矣禮記
 昏義云是故王立六官三公九卿二十七大夫八十一元士
 北堂書鈔引五經異義云今尚書歐陽說天子三公一曰司
 徒二曰司馬三曰司空九卿二十七大夫八十一元士凡百
 二十在天爲星辰在地爲山川古周禮說天子立三公曰太
 師太傅太保無官屬與王同職故曰坐而論道謂之三公又
 立三少以爲之副曰少師少傅少保是爲三孤冢宰司徒宗
 伯司馬司寇司空是爲六卿之屬大夫士庶人在官者凡萬
 二千謹案周公爲傅召公爲保太公爲師無爲司徒司空者
 知師保傅三公官名也五帝三王不同物此周之制也鄭駁
 無攷然鄭注周禮保氏引書序曰周公爲師召公爲保相成
 王爲左右聖賢兼此官也是用今尚書說與公羊家同也說
 苑臣術云湯問伊尹曰古者所以立三公九卿大夫列士何
 也伊尹對曰三公者所以參五事也九卿者所以參三公也
 大夫者所以參九卿也列士者所以參大夫也故參而有參
 是謂事宗事宗不失外內若一○注采者至稱爵○舊疏云

即祭周公周公是也若然祭周公官爵適等而修九年公會

宰周公特加宰者彼傳云宰周公者何天子之為政者也注

宰猶治也三公之職號尊名以加宰知其職大尊重當與天

子參聽萬機而下為諸侯所會駁不勝任故加宰仍非常稱

也按注云天子三公氏采稱爵以別於上大夫稱五十者

如南季之屬是也隱元年祭伯與此是否一人不可考彼稱

伯猶為上大夫此蓋居三公職也孔氏廣森何以不稱使注

謂上大夫稱子如劉子單子之屬非何義

据宰周公稱使疏注据宰至稱使○傳三十年天王使宰周

婚禮不稱主人注時王者有母也疏注時王者有母○隱二

來納幣則其稱主人何辭窮也辭窮者何無母也則此與紀

履繻來逆女同故注以為有母也彼注云為養廉遠恥故不

稱主人母不通故直以來書也左傳莊十八年云虢公晉侯

鄭伯使原莊公逆王后于陳亦不言王使日虢晉鄭使之逆

明不稱主人也虢晉鄭皆同姓天子遂者何生事也注生猶

與諸侯為昏必使同姓國為之主也

造也專事之辭疏書康王之誥序遂諸諸侯孔傳因事曰遂

事者因事起意其意相緣事則更端穀梁傳曰遂繼事之辭

也與此傳相兼其訓乃備○注生猶至之辭○文選注引劉

璣易義云自無而有曰生故有造義書大誥于造天役乾文言傳大人造也皆謂自無而有也玉篇生起也亦自無而有故有專事之義祭公之來本為成婚大夫無遂事此其言遂于紀來後適紀似若造事故曰遂

何注据待君命然後卒大夫也疏注据待至夫也○十行本後作后成十七年十一月

壬申公孫嬰齊卒于狸軫傳此非月日也曷為以此月日卒之待君命然後卒大夫曷為待君命然後卒大夫前此者嬰

齊走之晉公會晉侯將執公嬰齊為公請公許之反為大夫歸至於狸軫而卒無君命不敢卒大夫公至日吾固許之反

為大夫然後卒之者是也引之者證大成使乎我也注以上夫不敢專事遂有專事之義故据以難

來無事知遂成使于我疏通義云待我而後使事成孔疏云

魯自當假道而去不須言來也凡言遂者因上事生下事之辭先見魯君然後向紀黃祭公來受魯命往迎也凡昏姻皆

賓主敵體相對行禮天子嫁女於諸侯使諸侯為主令與夫

家為禮天子聘后於諸侯亦使諸侯為主令與后家為禮嫁

女則送女於魯令魯嫁女與人迎后則使魯為主使魯遣使

往逆故祭公受魯命也嫁王女者王姬至魯而後至夫家其

王后昏則王命已成於魯無事故即歸京師於逆稱王后舉

其待士之命后禮已成於歸稱李姜中父母之尊言子尊不

加于父母謂父母之家為文故於歸中父母之尊也○注以
上至于我○言若有事或朝或聘當書如莊二十三年祭叔
來聘之屬矣既言遂亦非如隱元年祭其成使乎我奈何使
伯來之為來奔矣故知為遂成使於我
我為媒可則因川是往逆矣注婚禮成于五先納采問名納

吉納徵請期然後親迎時王者遣祭公來使魯為媒可則因
用魯往迎之不復成禮疾王者不重妃匹逆天下之母若逆

婢妾將謂海內何哉故譏之不言如紀者辟有外文疏穀梁

其不言使何也不正其以宗廟之大事即謀於我故弗與使
也范云時天子命祭公就魯其卜釋紀女可中后者便逆之
不復反命義亦同○注婚禮至親迎○禮記昏義云是以昏
禮納采問名納吉納徵請期皆主人筵几於廟而拜迎於門
外禮士昏禮歷記納采問名遣使者納吉納徵請期諸儀次
記親迎是親迎後也昏禮自親迎以上皆遣人行之故莊二
十二年穀梁傳公之親迎納幣非禮也親迎則親之故春秋
有譏不親迎文○注時王至成禮○通義云用由也使魯為
媒可則由魯往逆不必返報明遂在魯不在祭公也不復成
禮蓋六禮不備之謂○注疾王至譏之○繁露王道云祭公

來逆王后譏也禮也殺梁傳其曰遂逆王后故略之也春秋
 正辭云辭不異乎祭伯來則若非王命然也逆王后非王命
 則不可雖曰不稱主人王命也非王命然也逆王后非王命
 詩因六禮不備女子守義不往詩人善之此逆天子之母不
 能成禮使魯為媒可即往逆簡率之甚故書以示譏范云以
 其遂逆無禮故不書逆女而曰王后略謂不以禮稱之是也
 異義公羊說天子至庶人皆親迎左氏說王者至尊無敵體
 之義不親迎鄭駁從公羊此蓋兼譏王不親迎故謂其不重
 如匹也禮記內則云聘則為妻奔則為妾江氏永云不以禮
 為奔聘止妻而廢從之或買妾焉皆謂之奔是不以禮聘故
 與逆婢妾等也○注不言至外文○舊疏云外相如者例所
 不錄如紀則外相如矣故曰辟有外文按若曰如紀似五
 年之齊侯鄭女在其國稱女此其稱王后何王者無外其辭
 伯如紀矣女在其國稱女者即隱二年紀履緌來逆女
 成矣疏舊疏云女在其國稱女者即隱二年紀履緌來逆女
 曰四海之濱莫非王臣王命紀女為后則已成王后不如諸
 侯入國乃稱夫人謹案禮女未嫁而婿死女當改適唯正者
 妃匹至尊無偶雖在其國義成為后設遣大故不得更許嫁
 可以此經決之按穀梁傳云天子無外王命之則成矣後漢
 桓懿獻梁皇后傳有司奏曰春秋迎王后于紀在塗則稱后
 亦取公毅為義也春秋正辭云聖人之辭券而有禮曰王后

其辭成矣以立諸夏之人紀也又云自父母言之尊為王后猶曰吾季姜不以君臣之義奪人父子之親雖然王后無出道非若諸侯以下婦人有歸宗之義也成之曰王后王者無外則王后無出也是也按曰后者釋名釋親屬云天子之妃曰后後也言在後不敢以副言也禮記曲禮亦云天子之妃曰后

九年春紀季姜歸于京師

其辭成矣則其稱紀季姜何自我言紀父母之於子雖為天

王后猶曰吾季姜注明子尊不加於父母疏上傳云其辭成矣明已成王后

矣此復言紀季姜故據以推之季姜者出紀言之詞也○注明子至父母○白虎通王者不臣云不臣妻父母何妻者與己為一體恭承宗廟欲得其歡心上承先祖下繼萬世傳於無窮故不臣也春秋曰紀季姜歸于京師父母之於子雖為王后尊不加於父母知王者不臣也通典後漢獻帝皇后父伏完朝賀公庭完拜如眾臣及皇后在離宮后拜如子禮三公大臣議或以為當交拜令后存人子之道完不廢人臣之正拜私朝或以為當交拜令后存人子之道完不廢人臣之義又子尊不加於父母雖為天王后猶曰吾季姜欲令完猶行父法后專奉于禮公私之朝后當獨拜或以為皇后至尊

父亦至親交拜則父子無別完拜則傷子道后拜則損至尊
 欲令公朝者完拜如眾臣於私宮后於如子禮不知四者何
 正鄭元議曰四者不同抑有由焉天子所不臣者三其一后
 之父母也天子尚有於臣者况於后乎春秋魯隱公二年紀
 履緌來逆女冬伯姬歸于紀又桓九年祭公來遂逆王后于
 紀九年紀季姜歸于京師或言逆女或言逆王后蓋義有所
 見也女雖嫁為鄰國夫人其尊無以加於父母嫁於天子者
 此時紀女成言王后明當時之尊得加父母也紀季姜歸于
 京師更稱其字者得行禮而戒之其尊安可加父母耳今不
 其亭侯在京師禮事出入官從臣禮若后適離宮及歸甯父
 母宜從子禮邴原駁曰孝經云父子之道天性也明王之章
 先陳事父之孝女子子出嫁降其父母婦人外成不能二統
 耳春秋左氏傳曰紀裂繡來逆女列國尊同逆者謙不敢自
 成故以在父母之辭言之禮敵心三讓之義也祭公逆王后
 于紀者至尊無外辭無所屈成言曰王后紀季姜歸于京師
 尊已成稱季姜從紀于尊不加於父母之明文也如皇后於
 公庭官僚之中令父獨拜違古之道斯義何施漢高五日一
 朝太上皇家令議于道不盡欲微感之令太上皇拂箕御行
 稱臣雖去聖久遠禮文闕然然父子之義五品之前不易之
 道甯為公私易節公庭則為臣在家則為父是違禮而無常
 也又殷融為太常穆帝即位褚皇后臨朝稱制時議后父褚
 衷進見之典蔡謨王彪之並以虞舜漢高祖猶執子道况后

平王者父無拜禮尚書八座議以為純子則王道缺純臣則
孝道虧謂公庭如臣私親則服父為允融議依鄭元衛將軍
哀在公庭則書臣敬太后歸甯之目如家人之禮太后詔曰
典禮誠所未詳如新奏是情所不能安也更詳之征西將軍
翼南仲謝尚議為父尊於一家君敬重於天下鄭元議合情
理之中故穀梁家范甯亦云季姜桓王后書字者申父母之
尊亦取何氏為說也按儀禮喪服不杖期章公妾以及士妾
為其父母傳曰何以期也妾不得體君得為其父母遂也推
傳之意似正體敵君者不得為父母遂矣與此不合故鄭彼
注云然則女君有以尊降其父母者與春秋之義雖為天王
后猶曰吾季姜是言于尊不加於父母也此傳似誤矣是鄭
同公羊駁禮傳也蓋君與嫡一體嫡既不得以尊降其父母
故君亦不得以尊臣其妻父母故禮疏引鈞命決云不
臣妻父母者親與其女共事先祖欲得其歡心是也 京師
者何天子之居也注以季姜言歸疏注以季姜言歸○隱二
季姜所歸故知 京者何大也師者何眾也天子之居必以眾
為天子所居

大之辭言之注

地方千里周城千雉宮室官府制度廣大四

方各以其職來貢莫不備具所以必自有地者治自近始故

據土與諸侯分職而聽其政焉即春秋所謂內治其國也書

季姜歸者明魯為媒當有送迎之禮疏白虎通京師云京師

也京大也師眾也天子所居故以大眾言之明什倍諸侯法

日月之行經千里春秋傳曰京師天子之居也王制曰天子

之田方千里按詩文王云禩將于京傳京大也方言京大也

燕之北鄙齊楚之郊或曰京京聲義通故景亦訓大說文

而部云師从而自自四市眾意也易彖傳曰師眾也故書

堯典師錫帝曰五帝本紀作眾皆言于帝也獨斷天子所都

曰京師京水也地之眾者莫過於水地上之眾者莫過於

人京大帥眾也故曰京師也通義云王者天下所歸往故以

眾大之辭言之○注地方千里○獨斷云京師天子之圻內

千里象日月日月雲次千里禮記王制注亦云象日月之大

亦取暑同也詩商頌元鳥云邦畿千里惟民所止○注周城

千雉○見定十二年傳○注宮室至備具○宮室官府制度

廣大如周官六篇所記是也下十五年穀梁傳曰古者諸侯

時獻于天子以其國之所有○注所以至故焉○繁露諸侯

云古之聖人見天意之厚於人也故南面而君天下必以兼

利之為其遠者目不能見其隱者耳不能聞於是千里之外

割地分民而建國立君使為天子視所不見聽所不聞朝夕

召而問之也諸侯為言猶諸侯也隱元年注云王者掘土與

諸侯分職俱南面而治是天子先治其境內而後及外侯所謂自近始也○注即春至國也○成十五年傳云春秋內其國而外諸夏注內其國者假魯以為京師也此以春秋內其喻京師也舊疏云春秋據魯為王故內魯若周公制禮內京師然也漢書宣帝紀甘露二年詔曰聖王之制施德行禮先京師而後諸夏即自近始之義也○注書季至之禮○穀梁傳云為之中者歸之也注中謂關與婚事明魯為媒矣王者嫁女娶后必使同姓主之自宜有送迎之禮其實即不為媒所經之國亦宜有之特由紀至周魯非其所經書之於經故傳以為成使於我使我為媒也

夏四月

秋七月

冬曹伯使其世子射姑來朝

疏穀梁釋文射姑信本作亦

諸侯來曰朝

疏十一年滕侯辭侯來朝是也彼傳亦云諸侯來曰朝舊疏云隱十一年師解云爾故此

弟子執

而難之此世子也其言朝何

注據臣子一例當言聘**疏**注據臣至

言聘○僖元年傳云臣子一例也隱十一年傳云大夫來曰聘臣子一例故當言聘

春秋有譏父老子

代從政者則未知其在齊與曹與注在齊者世子光也時曹

伯年老有疾使世子行聘禮恐卑故使自代朝雖非禮有尊

厚魯之心傳見下卒葬詳錄故序經意依違之也小國無大

夫所以書者重惡世子之不孝甚疏則未知其在齊與曹與

本元本同監木毛本曹上行在字○注在齊至光也○襄九

年冬公會晉侯以下齊世子光滕子○注在齊至光也○襄九

鄭又十一年公會晉侯以下齊世子光○注在齊至光也○襄九

鄭是也通義云春秋為其驕蹇處于諸侯之上○注言同圍齊

是也傳設為微詞者言二世子皆不免於譏耳○注時曹至

之心○周禮典命凡諸侯之嫡子誓於天子攝其君則下

其君之禮一等未誓則以皮帛繼于男○注春秋桓九年曹

伯使其世子射姑來朝行國君之禮是也公之子如侯伯而

執圭侯伯之子如子男而執璧子男之子與未誓者皆次小

國之君執皮幣而朝會焉其賓之皆以上卿之禮焉左傳二

曹太子來朝賓之以上卿蓋未誓於天子者以皮幣繼于男

故賓以上卿禮焉杜注云曹伯有疾故使其子來朝彼傳又

云京曹太子初獻樂奏而歎施父曰曹太子其有憂乎非歎

所也彼疏引服注云古之為享食所以觀威儀省禍福無喪

而戚憂必繫焉今太子臨樂而歎是父將死而兆先見也是亦以曹伯年老有疾也左疏又引膏肓以爲左氏以人子安處父位尤非衰世救失之宜於義爲短鄭箴云必如所言父有老耄罷病就當理其政預王事也劉氏逢祿評曰世子行聘可也攝上卿行聘亦可也罷老避位致國天子天子以命世子行朝亦可也安得曰廢王事曹伯在位世子行朝禮非一國二君無王無父而不知乎左氏此類亦非舊文是其行朝禮爲非禮也惟其有疾而猶使世子來朝故知其有尊厚魯之心○注傳見至之焉○下十年春王正月庚申曹伯終生卒夏五月葬曹桓公注云小國始卒當卒月葬時而卒曰葬月者曹伯年老使世子來朝春秋敬老重恩故爲魯恩錄之尤深是卒葬詳錄也世子來朝安居父位當讓世子位序諸侯之上明亦合讓而經文詳錄曹伯卒葬恩錄尤深似曹世子無讓詞故傳依違之言未知在齊在曹也○注小國至孝甚○所傳聞世小國無大夫世子未卽位與大夫同故決之通義云禮世子無外交曹伯有疾射姑當躬視羹膳而忍去左右偃然代行朝禮失君在不稱貳之義故責之以教後世之爲人子者按射姑來朝親奉父命原非大惡春秋因其可責而責之故書以惡其不孝以位爲人子之坊也

十年春王正月庚申曹伯終生卒

疏

正月無庚申厥爲二月之七日穀梁傳桓無王其曰

王何也正終生之卒也注引徐乾云與夷見弒恐正卒不明故復明之按春秋詳內錄外諸夏之正卒不勝示法何氏所取不

夏五月葬曹桓公注小國始卒當卒月葬時而卒日葬月者曹

伯年老使世子來朝春秋敬老重恩故為魯恩錄之尤深疏舊疏云所傳聞之世未錄小國卒葬所聞之世乃始書卒月葬時文九年秋八月曹伯襄卒冬葬曹其公是也今卒日葬月者正以敬老重恩故也通義云曹與鄭俱同姓又同爵桓公始見卒日葬月明當從大國例也射姑不子已就其卒去日故於此不奪臣子辭因見本有父命攝朝不專讓射姑與按穀梁上九年傳云使世子伉諸侯之禮而來朝曹伯失正矣諸侯相見曰朝以待人父之道待人之子以內為失正矣內失正曹伯失正世子可以已矣則是故命也蓋周禮所記以皮帛繼子男之禮謂是急趨王命如會同之事此朝聘鄰國可無汲汲故春秋於曹伯父子交讓之也春秋敬老者上四年書伯糾汲故莊二十五年書女叔是也重恩者重其尊厚於魯之恩故推王恩詳錄其卒葬比於大國視他為深也

秋公會衛侯于桃丘弗遇疏有桃城大事表在今山東泰安府

東阿縣西五十里有桃城鋪東有一上高可數仞即桃上也
名勝志桃丘在東阿縣安平鎮東十八里水經注濟水篇左
合馬頰水水首受濟西北流歷安民山北又
從桃城東春秋公會衛侯于桃丘衛地也

會者何期辭也其言弗遇何疏通義云期遇者不期也上為

經既書會作聚集之名言弗遇是未見之稱故執不知問公不見要也注時實桓公欲

要見衛侯衛侯不肯見公以非禮動見拒有恥故諱使若會

而不相遇言弗遇者起公要之也弗者不之深也起公見拒

深傳言公不見要者順經諱文疏通義云以弗遇則未成為

本期會于桃丘衛侯背期不至蓋已與齊鄭同謀伐我故也

未會而言會者致本意也猶云晉人納捷菑于邾婁弗克納

丁巳葬我君定公雨不克葬皆為成事之文於上見不成事

之實於下注時實至之也廣雅釋詁云要約也魯桓約

衛侯為會衛侯不肯是魯公以非禮見拒有恥故諱為不遇

之詞解詁箋云此非大惡反諱之者正以桓執逆之人諸侯

將誅之下來戰于郎盟于惡曹是也穀梁傳云弗遇者志不

遇託言衛侯不遇故云內辭所以殺恥也范云倡會者衛非
穀梁亦無斯義○注弗者至拒深○周禮諸子職云司馬弗
正注弗不也廣雅釋詁云弗不也儀禮士昏禮又弗能及注
古文弗為不經傳多以弗即不然弗不實有輕重深淺之別
弗有矯戾之義不則非否之辭耳言弗故公見拒深起矣○
注傳言至諱文○十行本見要作要見校勘記云按上云桓
公欲要見諸侯與此台傳則云公不見要也按此注中言傳
義當同傳文作見要以經言弗遇是衛侯不遇之詞諱文不
見傳言公不見要所以順經諱文明之也通義云會期辭也
遇要辭也期而後期衛侯之過也要之而不見要公之恥也
蓋公已至挑上猶疑衛侯道滯未來復前逆
之終不得見乃反故傳申之曰公不見要也

冬十有二月丙午齊侯衛侯鄭伯來戰于郎疏於麻十二月書

八日春秋正辭云孰志乎為是戰齊志乎鄭志乎春秋無義
戰其不義必先者主之齊志也構我於鄭者齊也衛與齊同
志見之於胥命矣齊侯親噬也鄭實定桓之位卒於怨仇小
人哉使百姓肝腦塗地而不恤不仁甚矣以爵稱之言不可
在民上也播其惡
於眾而後人之

郎者何吾近邑也注以言來也疏檀弓注郎魯近邑也哀十

年齊國書帥師伐我

也通義云魯近郊之邑也哀十一年齊國書帥帥伐我左傳師及齊師戰于郟而檀弓以為戰于郎明郎地在郟也若然彼經亦當言來戰于郎但以所見之世諱恥尤深寇逼國都不可言戰故第舉伐而已隱元年左傳費伯帥師城郎杜云高平方與縣東有郁郎亭去都已遠恐別一郎邑也○注以言來也○舊疏云凡言來者鄉內之詞今經言來故知近邑也而僖四年楚屈完來盟于師是時在召陵而言來者據師道楚故得言來按春秋內其國而外諸夏內諸夏而外四夷此來戰于郎言來由內對諸夏之詞來盟于師言來由諸夏對四夷之詞吾近邑則其言來戰于

郎何注据齊師宋帥次于郎不言來公敗宋師不言戰龍門

之戰不舉地也疏注据齊至地也○莊十年齊師宋師次于

于菅同是偏戰不言戰也下十三年春公會紀侯鄭伯己巳

及齊侯宋公衛侯燕人戰齊師宋師衛師燕師敗績彼疏引

春秋說文龍門之戰近也惡乎近近乎圍也注地而言來者

明近都城幾與國無異不解戰者從下說可知疏校勘記云

鄂本以下同疏本圖作國云國讀如圍攷諸古本皆作圍字

而舊解以國為圍按注云地而言來者明近都城幾與圍無

異此釋傳之近乎圍明雖非圍而實圍也通義云近幾也師
都城幾幾乎圍故戰去及文言來以起之也俞云疏所據
本蓋作國字故云然其實當從何邵公本作國隱五年傳邑
不言圍此其言圍何疆也然則近乎圍者亦言其疆甚也若
作近乎國則上文曰郎者何吾近邑也一言足以明之矣乃
又曰吾近邑則其言來戰于郎何近也惡乎近近乎國也其
詞不幾復乎蓋吾近邑也之近以地之相去而言近也之近
以事之相似而言兩近字文同而義異學者混而一之遂至
譌國字為國字矣孔氏廣森作通義反從疏本作國恐後學
疑誤故詳辨之按作國近是近宜如舊疏讀如附近之近言
郎地近乎國也若作圍解則無地不可圍但言近乎圍不見
郎為都城則必圍下增都城始明不如作國於近字尤合注
中圍字亦國之誤後人撰誤本正文改之也○注地而至可
知○注云明近都城雖非都城與都城同故云與國無異所
以解近義也戰義具於此偏戰也何以不言師敗績注据十
下傳此故無庸預說也

三年師敗績偏一面也結日定地各居一面鳴鼓而戰不相

詐疏通義云以丙午日是偏戰例也○注据十至敗績○即
下十三年齊師宋師衛師燕師敗績是也○注偏一至

相詐○左傳閔二年云衣身之偏杜云偏半也呂覽士容篇
則室偏無光高注偏半也國語晉語距非聖人必偏而後可

章注偏偏有一也荀子不苟云偏傷之也楊注偏謂見其一隅也皆一面之義也各居一而兩不相詐故為偏戰繁露竹林云春秋之書戰伐也有惡有善也惡詐擊而善偏戰蓋內詐則不結日不定地出其不傷害意尤多故春秋惡之也

不言戰言戰乃敗矣注春秋託王于魯戰者敵文也王者兵

不與諸侯敵戰乃其已敗之文故不復言師敗績魯不復出

主名者兵近都城明舉國無大小當勦力拒之疏梁傳云

言戰則敗也范云兩敵故言戰春秋不以外敵內書戰則敗

與公羊義同通義云內勝不言戰則言戰者內敗明矣穀梁

傳內諱敗舉其可道者也注春秋至敗績○孟子盡心篇

征者上伐下也王者有征無戰春秋託王於魯故設戰文言

戰則已敗文穀梁傳隱十年云內不言戰是也內不言師敗

績而莊九年書我師敗績者彼傳云內不言敗此其言敗何

伐敗也曷為伐敗復讐也注復讐以死敗為榮故錄之是彼

以敗為榮故不諱也注魯不至拒之○十行本闕本監本

毛本勦作戮非依鄂本正校勦記云釋文勦力字多作勦十

二年疏引此注亦作勦穀梁傳云不言其人以吾敗也不言

皇清經解續編卷千二百二終

常熟丁國鈞參校
于汝恭校字

皇清經解續編卷千二百三

南菁書院

公羊義疏十五

句容陳立卓人著

桓十一年
盡十四年

十有一年春正月齊人衛人鄭人盟于惡曹注月者桓公行惡

諸侯所當誅屬上三國來戰于郎今復使微者盟故為魯懼

危錄之疏

杜云惡曹地闕沈氏欽韓左傳補注云惡曹蓋烏

錄之○舊疏云正以微者盟例合時今而書月故須解之據

注文則此別為微者莊氏正辭以此之人即上之齊侯等親

夏五月癸未鄭伯寤生卒

疏五月無癸未四月之七日為癸未

包氏慎言云據下文于七月書葬

不日於傳例當時而不日正也之例合若卒在五月相距僅

也左傳隱元年莊公寤生驚姜氏故名曰寤生

秋七月葬鄭莊公注莊公殺段所以書葬者段當國本當從討

賊辭不得與殺大夫同例疏注莊公至同例○成十年丙午

趙同等又僖九年晉侯僂諸卒注不書葬者殺世子也春秋

之例若殺無罪大夫去葬以起義申生趙同等皆以無罪見

殺故沒去葬文今段本有罪合誅莊公殺段失德不葬而書葬者段不

夫同故不去葬也范云莊公殺段失德不葬而書葬者段不

弟於王法當討故不以殺親親貶之用何氏義也通義云鄭

莊衛惠皆犯王命但天子於鄭伐之而已與朔為王命所廢

者異故惠公不書葬莊公書葬

九月宋人執鄭祭仲疏大事表云杜注陳留長垣縣東北有祭

因不取杜說而括地志逆以管城之祭為祭仲邑或又疑為

周祭伯之采地鄭并之以封祭仲非也祭伯祭仲同見於隱

元年至莊二十三年尚有祭叔來聘鄭安得取以封仲乎列

國錯壤甚多祭仲首留取道於宋而被執則留亦錯入宋境

矣長垣之旁有滑鄭衛同爭之然則長垣固亦鄭衛相接之

地耳今長垣縣屬北直大名府南至開封府蘭陽縣九十里

祭仲者何鄭相也注不言大夫者欲見持國重

疏唐石經作鄭之相也

鄂本以下俱無之字校勘記云嚴氏燕云大司徒疏引亦無
之字苟子大略云天子三卿諸侯一相其實諸侯皆三卿有
命於天子命於其君之異鄭伯爵小國宜一卿命於天子與
○注不言至國重○通義云相助也謂三卿之長助君持國
重何以不名賢也疏惠氏棟左傳補注云劉光伯以祭仲是
字鄭人嘉之又云祭仲本非行人棟案
五年傳云祭仲足為左拒此年傳云祭封人仲足世本載姓
氏皆先字後名此與孔父嘉一例則仲字足名確然無疑杜
於五年傳云祭足即祭仲之字是專欲違舊注以就其曲說
劉氏規之是也又云左氏無貶仲之文仲為宋所脅雖死無
益於忽公羊以為行權釋例斥其挾偽以謀其君過矣按杜
云祭氏仲名古人孟仲叔季皆字故莊二十五年左傳云陳
侯使女叔來聘嘉之故不名亦叔為字杜反以何賢乎祭仲
足為字以仲為名慎莫甚焉范亦為杜說所誤何賢乎祭仲
注据身執君出不能防難疏注据身至防難○身執君出事
在下左氏家杜預等以為祭仲
被宋脅以逐君罪之正即何氏以為知權也注權者稱也所
所据以難之義故於下釋之

以別輕重喻祭仲知國重君輕君子以存國除逐君之罪難
不能防其難罪不足而功有餘故得為賢也不引度量者取

其平實以無私

疏

後漢書賈逵傳云至如祭仲紀季伍子胥

權變謂此○注權者至輕重○孟子梁惠王篇權然後知輕

重注權銓衡也楚辭惜誓云同權概而就衡王注權衡皆稱

也考工記栗氏職不耗然後權之注權謂稱分之也淮南時

則訓冬為權權者所以權萬物也荀子正名云故人無動而

不可以不與權俱楊注權者稱之權所以知輕重者也漢書

律厯志衡權者衡平也權重也衡所以任權而均物平輕重

也其道如底又云權者銖兩斤鈞石也所以稱物平施知輕

重也本起於黃鍾之重一龠容千二百黍重十二銖兩之為

兩二十四銖為兩十六兩為斤三十斤為鈞四鈞為石村為

十八易太有八變之象也又云權與物鈞而生衡衡運生規

規圓生矩矩方生繩繩直生準準正則平衡而鈞權矣是為

五則公羊問答云問前此有言權字否曰易巽以行權苟爽

九家易解巽象號令又為近利人君改教進退擇利而為權

也春秋傳曰權者反乎經然後有善者也據此則權字不始

於春秋廣雅釋器云鍾謂之權又云稱謂之銓呂覽仲秋紀

平權衡高注秤衡也稱即秤也韋昭注國語云銓稱也是也

○注喻祭至君輕○孟子盡心下云民為貴社稷次之君為

輕趙注君輕於社稷社稷輕於民○注君子至賢也○此公

羊精義也遂君罪重存國功尤重以存國之功除逐君之罪

所以為別輕重也為有據身執君出不能防難責仲者故決

之○注不引至無私○考工記弓人云角與幹權注權平也
禮記王制云必原父子之親立君臣之義以權之注權平也
說文金部銓衡也是銓衡即稱衡權為銓衡之輕重視乎錘
之進退而所以銓衡輕重全視乎錘故何氏以平實無私明
之漢書律厯志云準者所以揆平取正也繩者上下端直經
緯四通也準繩連體衡權合德百工緝焉以定法式輔弼執
玉以翼天子是也度量者律厯志又云度者分寸尺丈引也
所以度長短也本起黃鐘之長以子穀秬黍中者一黍之廣
度之九十分黃鐘之長一為一分十分為寸十寸為尺十尺
為丈十丈為引而五度審矣量者侖合升斗斛也所以量多
少也本起於黃鐘之侖用度數審其容以子穀秬黍中者千
有二百實其侖以井水準其概合侖為合十合為升十升為
斗十斗為斛而五量嘉矣度量亦無私輕重
事理於權義宜故取諸權其衡平鍾實故也其為知權奈何
古者鄭國處于留疏周禮疏引鄭發墨守云鄭始封君曰桓
京兆鄭縣是也桓公生武公遷東周圻內國在魏郟之間今
河南新鄭是也武公生莊公因其國焉留乃在陳宋之東鄭
受封至此適三世安得古者鄭國處于留祭仲將往省之事
乎武氏億云鄭之說果信以為在陳留之東而使如所引侵
宋呂留屬彭城謂此足以實之則其地與魏郟相去幾千里
固宜其有足疑者然以余攷之殆非也漢地志孟注留鄭邑

也後為陳所并故曰陳留左氏襄三十年伯有死於羊肆既而葬諸斗城桓十五年宋人以諸侯伐鄭伐東郊取牛首今牛首及斗城其地並在陳留而是地又居鄭東鄙故意當時之留即在此後遷鄭而留乃僻於遠爾鄭語史伯對桓公若克二邑鄆蔽補丹依喉歷莘君之土也後乃東寄孥與賄虢鄆受之十邑皆有寄地蓋虢鄆二君惜於欲而窮於利貪鄭伯區區之饋以奉其孥而居之必先存十邑之內而晉太康地志云陳留東北三十五里有莘城為古莘國以是推之莘為十邑之一其十邑又皆有寄地則鄭國之舊處於留亦其孥先寄於此耶其後通乎夫人以取其國而遷鄭而鄭之東偏實與宋接壤而錯制焉故祭仲將往省留塗出於宋為宋所執亦勢所必至也尚何疑乎莊述祖云列女傳以大車之詩為息君夫人所作本魯韓詩說鄭與息接壤息無風此詩及邱中有麻三家蓋在鄭風按留子參父子即周王官大夫治留邑者亦古者鄭國處留之證而毛詩序以為周莊王時或亦剝歆等點竄古文家言以惑學者留在莊王時已為宋鄭閒地矣公羊古義云桓公寄孥與賄於虢鄆及十邑幽王之亂西京不守當有處留之事其後滅虢鄆十邑而居新鄭則以留為邊鄙當在武公之時故云古者鄭國又云先鄭伯公羊之言正與外傳合鄭氏不攷而驟非之過矣讀書叢錄云惠棟古義云左傳侵宋呂留後漢彭城有留縣張良所封按漢書地理志陳留郡陳留孟康曰留鄭邑也後為陳所并

故曰陳留鄭康成發墨守謂在陳宋之東非是阮氏元鐘鼎
欵識有留君蓋二器說云古者鄭國處于留周人有留子嗟
留子國後爲劉康公劉文公食采此留君是圻內諸侯招其
名也按鄭伯所處之留當是陳留近宋之地其劉康公文公
所食之采應在東周圻內與詩之留爲一留君或先鄭伯有
是指東周圻內之留蓋大夫於其私邑亦稱君也
善于鄭公者通乎夫人以取其國疏校勘記云鄭唐石經宋
誤鄭按釋文鄭古外反此于並上于留皆當作於下同檜詩
譜云祝融氏名黎其後入姓唯姁姓鄭者處其地焉楚世家
吳回生陸終陸終生子六人四曰會人詩疏引世本云會人
卽檜之祖也又引韋昭服虔皆云檜是陸終第四子求言後
然則檜吳回後也吳回復居黎職故鄭氏詩譜本黎而言也
公羊古義云鄭公者鄭仲也夫人者叔姁也周語富辰曰鄭
之亡也由叔姁注云鄭姁姓之國叔姁同姓之女爲鄭夫人
鄭語史伯曰子男之國魏鄭爲大魏叔恃勢鄭仲恃險君若
以周難之故寄幣與賄焉無不克矣寄幣與賄故得通乎夫
人以取其國又鄭氏詩譜云其子武公與晉文侯定平王於
東都王城卒取史伯所云十邑之地則善於鄭公者桓公事
取其國當武公時事也昭十六年左傳云昔我先君桓公與
商人皆出自周庸次比耦以艾殺此地斬之遂蕞藜藿而共
處之當卽寄幣時事水經洧水篇又東過鄭縣南鄭水從西

來注之屬注曰竹書紀年晉文侯二年周惠王子多父伐鄭
克之乃居鄭父之丘名之曰鄭是日桓公以克鄭為鄭桓公
事與鄭而遷鄭焉注遷鄭都于郟也疏注遷鄭都于郟○詩
說異氏火正祝融之墟檜國在禹貢豫州外方之北榮波之南居
秦洧之閒祝融氏後八姓唯姬姓檜者處其地焉其國北鄰
于虢釋文引王肅云周武王封之於檜洛河頽之閒為郟子
按漢書地理志河南榮陽縣應劭曰故虢國也虢在今榮陽
杜預曰檜城在密縣東北鄭居郟城故得有漆洧鄭語所謂
主若醜而食漆洧是也鄭亦兼有虎牢漢地志河南有成臯
縣故虎牢也一日制隱元年左傳制巖邑也虢叔死焉是制
本虢邑後并為鄭有新鄭與榮陽密縣接壤知皆虢部舊封
矣故詩疏引服虔云鄭東鄭古郟國之地然鄭雖處其地不
居其都此云遷鄭都於郟者謂遷都於郟地耳非必於郟都
也故僖三十三年左傳稱文夫人葬于郟於郟城之下詩
疏引服虔注郟城古郟國之墟杜注郟在榮陽密縣東北新鄭
在榮陽宛陵縣西南是鄭非郟都矣若然鄭語謂在祝融之
墟而左傳昭十七年云鄭祝融之墟者蓋二都相去不遠郟
本祝融舊墟鄭因其境內之地而都之故亦得為祝融之墟
也鄭語桓公為司徒甚得周眾與東土之人問於史伯曰王
室多故余懼及焉其何所以逃死史伯曰其濟洛河頽之
閒乎是其子男之國虢郟焉大虢叔恃勢郟仲恃險皆有城

侈怠慢之心加之以貪冒君若以周難之故寄諾與賄不敢
不許是驕而貪必將背君君以成周之眾奉辭伐罪無不克
矣若克二邑耶蔽補丹依嶠歷華君之士也脩典刑以守之
唯是可以少因詩譜云桓公從之言然之後三年幽王爲犬
戎所殺桓公死之其子武公卒取史伯所云十邑之地右洛
左濟前華後河食溱洧焉今河南新鄭是也而史記鄭世家
云桓公曰善卒言於王遷其民於洛東而虢郕果獻十邑者
蓋史記以史伯爲桓公謀遂以桓公自取十邑不知桓非及
身而得史公附會爲此說耳大事表云桓公初定虢檜地爲
新鄭此爲東虢文王弟虢叔所封杜注滎陽縣在今河南開
封府汜水縣東十里并滎陽滎澤皆其地檜卽管叔鮮之故
封左傳有檜城管城檜城在今許州府密縣東北五十里管
城在開封府鄭州北二里是也詩疏引鄭發墨守云桓公國
在宗周圻內武公遷居東周圻內然則鄭於西周本在圻內
西都之地盡以賜秦武公隨而東遷其初封當亦在東周圻
內及并十邑地及圻外鬱成大國故詩緇衣傳云諸侯入爲
天子卿士也詩古義云王符潛夫論會在河伊之間其君驕
貪尚儉滅爵損祿羣臣卑讓上下不臨詩人憂之故作羔裘
閱其痛悼也匪風冀君先教也會仲不悟重氏伐之上下不
能相使禁罰不行遂以見亡按節信此言蓋本周書史記此
高辛時有郃之君非外傳郃仲也是以汲郡古文云高辛十
六年帝使重帥師滅有郃左史潛夫所云重氏伐之郃君以

亡是也世本陸終娶鬼方氏妹曰女嬃生子六人四曰求言
是為鄆人鄆人者鄭是陸終在高辛之後或因有鄆之墟而
封之後為鄭武公所而野留注野鄆也傳本上事者解宋所
滅也王符之說失之

以得執祭仲因為戒疏注野鄆也○周禮大司徒職凡造

遷鄭馬而鄆留野作鄆與注合遷鄭馬上無而字與何本異

彼疏云野鄆不同者鄭所見傳異也武氏億經讀考異云此

凡兩讀何氏以馬字絕句而野留另為句周禮大司徒注引

遷鄭馬而鄆留又以遷鄭馬屬下讀為句太宰疏引此文與

鄭氏同按呂覽遇合篇為野音而反善之高注野鄆也說文

里部野鄆外也詩魯頌駟傳邑外曰郊郊外曰野周禮縣土

職掌野注地距王城二百里以外至三百里曰野野是廣遠

之稱鄆亦有遠義左傳僖三十一年云越國以鄆遠是也廣

韻鄆邊鄆也左傳隱元年大叔命西鄆北鄆貳于己杜云鄆

鄭邊邑淮南子詮言訓夫始于都者常大于鄆鄆與都對言
都為國君所居鄆為國之邊界也鄭遷都于鄆地故以留為
邊邑焉通義云留周東都圻內地名詩云彼留之子是也先
鄭伯武公也武公之父桓公周宣王母弟始受封於鄭本在
西京桓公用史伯之計寄帑與賄於鄆叔鄆仲之國鄆仲怠
侈食日取同姓女親姁為夫人武公因緣寄孥故得通焉國
絕言鄆之亡由叔姁是也犬戎之亂鄆失其地平王東遷武

公爲卿士蓋始食采于留其後既克鄆郟并取鄆蔽等八邑乃建國焉謂之新鄭而鄆留言以爲下都也都所居曰鄆按孔氏亦誤以留爲詩之留彼留宜在圻內此留近宋之地當以漢書注孟康說爲是○注傳本至爲戒○傳意鄭不通鄆夫人取其國而遷都則留爲所都祭仲不得莊公死已葬祭被執則不致成突忽之篡亂故著以爲戒

仲將往省于留塗出于宋宋人執之注宋人宋莊公也疏注

人宋莊公○左傳雍氏宗有寵於宋莊公故誘祭仲而執之

史記宋世家莊公九年執鄭之祭仲要以立突爲鄭君祭仲

誘竟立突又鄭世家宋莊公開祭仲之立忽乃使人謂之曰

誘召祭仲而執之日不立突將死是宋人宋莊公也謂之曰

爲我出忽而立突注突宋外甥疏注突宋外甥○鄭世家初

爲卿公使取鄆女生太子忽故祭仲立之是爲昭公莊公使

娶宋雍氏女生厲公突左傳宋雍氏女於鄭莊公曰雍姑生

厲公史記注引賈注云雍氏黃帝之孫姑姓之後爲宋大夫

杜云以女妻人曰女是爲突宋外甥也左傳莊六年注姊妹

之子曰甥其實宋卿外甥非實宋外甥也左傳鄭祭仲不從

世家又云不立突將死是爲我出忽立突事焉祭仲不從其言則君必死國必亡注祭仲死而忽旋爲突所驅逐而出

奔經不書忽奔見微弱甚是時宋強而鄭弱祭仲探宋莊公本弑君而立非能為突將以為賂動守死不聽命自入見國

無拒難者必乘便將滅鄭故深慮其大者也疏注祭仲至弱甚○下十五

年鄭世子忽復歸于鄭秋九月鄭伯突入于櫟傅櫟者何鄭之邑曷為不言入于鄭末言爾曷為末言爾祭仲亡矣然則曷為不言忽之出奔言忽為君之微也祭仲存則存矣祭仲

亡則亡矣注言忽微弱甚於鴻毛僅若匹夫之出耳故不復錄忽為突遂在後注此言之者見忽之不能自立祭仲不從其言必為宋殺宋納突出忽即因之滅鄭故下注云守死

不能令自入見國無拒難者必乘便將滅鄭是君必死國必亡也○注是時至者也○宋莊君見上二年左傳亦執厲公而求賂焉鄭世家亦執突以求賂焉是其將

為賂動也慮其大者國重君輕以存國為大也從其言則君可以生易死國可以存易亡疏通義云祭仲存則不

少遼緩之注宋當從突求賂鄭守正不與則突外乖於宋內不行於

臣下遼假緩之疏通義云遼遠也按說文定部遼遠也楚詞

九款云山修遠其遼遼兮注遠貌緩之謂

寬之時日以遠緩之也注云遯假緩之者假與遐通楊子法
言假言周於天地贊於神明注假作遐是也遐亦有遠義也
○注宋當至臣下○下十三年左傳云宋多責賂於鄭鄭不
堪命故以紀魯及齊與宋衛燕職明宋從突求賂鄭不與也
惟公羊以十三年之戰為龍門之戰與左氏異其外乖於宋
可知內不行於臣下者世家云祭仲專國政厲公患之亦不
行於臣則突可故出而忽可故反疏經義述聞云疏解突可
下事也則突可故出而忽可故反疏經義述聞云疏解突可
出之也解忽可故反云言忽可以此之故而反之也孔氏巽
軒公羊通義云故如故也言少遲久之伺突之隙則突依舊
可出而忽依舊可反引之謹案以此之故不得但言故疏說
非也如故亦不得但言故且忽前此無反國之事何依舊之
有孔說亦非也今案故讀為固固者必也襄二十七年我即
死女能固納公乎秦策王固不能行也何高注並云固必也
突可固出而忽可固反言突可使之必出忽可使之必反也
古字故與固通按王說是也禮記哀公問云固民是盡鄭注
固猶故也是固故通上五年左傳固將先奔言必將先
奔也呂氏春秋任數篇其說固不行言其說必不行也是不
可得則病注使突有賢才是計不可得行則已病逐君之罪

疏經義述聞云疏曰言已終能出突而反忽則為權之成若
不能如是乃為其病矣謹案注疏所說非傳義也是不可

得則病乃假設之詞病猶辱也見士冠禮注恥也是謂上文之突出忽反也言祭仲之意以為突可出忽可反若不可得則以為大恥蓋其意必欲出突而反忽也謀國之權如是然後能保有鄭國故曰有鄭國自上文祭仲不從其言至是不可得則病皆發明祭仲之意病者恥其事之不成非病出君之罪也然後有鄭國乃直承上文之詞按王說較舊義直捷然後言使突自賢才足計不可得行亦宜兼有此義蓋然後若突賢能守國仲亦無如何徒受逐君惡名故為病也然後有鄭國注已雖病逐君之罪討出突然後能保有鄭國猶愈

於國之亡疏舊疏云言突有賢才已計不行雖然仍須勉力疏非注意此然後有鄭國語對上祭仲不從其言則君必死國必亡立說何意從其言出忽立突先病逐君之罪後復討出突雖遼緩能保有鄭國不然則亡故雖被惡名猶愈於國之亡所以為行權能得輕重之宜也穀梁范序駁公羊謂以廢君為行權是神器可得而闕也不識輕重之義者也○注猶愈至之亡○猶闕本監本毛本作稱誤依鄂本正疏亦云猶愈於國古人之有權者祭仲之權是也注古人謂伊尹也之亡也

湯孫大甲窮蹇亂德諸侯有叛志伊尹放之桐宮令日思過

三年而復成湯之道前雖有逐君之負後有安天下之功猶

祭仲逐君存鄭之權是也疏繁露竹林云夫去位而避兄弟

君子之所甚賤祭仲措其君於人所甚貴以生其君故春秋

以為知權而賢之丑父措其君於人所甚賤以生其君春秋

以為不知權而簡之其俱枉正以存君相似也其使君榮之

與使君辱不同理故凡人之有為也前枉而後義者謂之中

權雖不能成春秋善之魯隱公鄭祭仲是也舊疏引長義云

若令臣子得行則閉君臣之道故篡弑之路解云權之設所

以扶危濟溺舍死亡無所設也若使君父臨溺河井甯不執

其髮平是其義也按孟子離婁篇男女授受不親禮也樓溺

援之以手者權也事有緩急理有重輕君臣之義人之大紀

國之存亡宗社所繫去緩就急舍輕全重所以為權也○注

古人至是也○釋文大音泰闕本監本毛本改太甲非後各

本作后依鄂本正舊疏云出講序按史記殷本紀伊尹乃立

太丁之子太甲太甲成湯嫡長孫也是為帝太甲元年伊尹
作伊訓作肆命作徂后帝太甲既立三年不明暴虐不遵湯
法亂德於是伊尹放之於桐宮三年伊尹攝行政當國以朝
諸侯帝太甲居桐宮三年悔過自責反善於是伊尹迺迎帝
太甲而授之政帝太甲修德諸侯咸歸殷百姓以甯伊尹嘉
之迺作太甲訓三篇孟子萬章篇湯崩太丁未立外丙二年

仲王四年太甲顛覆湯之典刑伊尹放之於桐三年太甲悔
 過自怨自艾於桐處仁遷義三年以聽伊尹之訓己者又盡
 心篇公孫丑曰伊尹曰子不狎於不順放太甲於桐民大悅
 太甲賢又反之民大悅賢者之為人臣也其君不賢則固可
 放與孟子曰有伊尹之志則可無伊尹之名則寡也言古人
 之能行祭仲之權者伊尹伊尹廢君犯不韙之名卒以存殷
 與祭仲之逐君存鄭 權者何權者反於經然後有善者也疏
 其行權正相類也 權者何權者反於經然後有善者也疏
 孟子離婁篇趙注權者反經而善者也即董子所謂前枉後
 義謂之中權是也後漢書馮衍傳佳於正道雖違逆而事有
 成功者謂之權論語子罕篇可與立未可與權唐棣之華偏
 其反而注云賦此詩以言權道反而後至於大順也按可與
 立經也可與權則反於經而有善也通義云其始為之若反
 乎常道鄭忽出奔衛是也觀其後乃有善鄭世子忽復歸于
 鄭是也毛氏奇論語格求篇云漢儒以反經合道為權此
 正本夫子偏反喻權之義且亦非漢儒私說在前此已有之
 公羊傳權者何權者反乎經者也反乎經然後有善者也反
 經之語實始於此其後相習成說著為師傳如後漢周章傳
 云孔子稱可與立未可與權權者反經者也北周書宇文護
 論云孔子云可與適道未可與權夫道者率禮之謂也權者
 反經之謂也六季儒說相仍不改又云淮南子曰弱則并父
 祝則名君勢不得不不然也此權之所設也故孔子曰可與立

未可與權夫惟以捨父名君爲非常之事故惟於溺與祝時
一偶施之也按韓詩外傳高子問於孟子曰夫嫁娶者非已
所自親也衛女何以得編於詩也孟子曰有衛女之志則可
無衛女之志則忘夫道二常謂之經變謂之權夫衛女行中
孝慮中聖權如之何正以列女傳云許穆夫人衛懿公之女
初許求之齊亦求之女因其傅母而言曰古者諸侯之有女
子也所以苞苴玩弄繫援于大國也許小而遠齊大而近今
舍近而就遠離大而附小一旦有車地之難孰可與慮社稷
衛侯不聽權之所設舍死亡無所設注設施也舍置也如置
是其事也

死亡之事不得施疏注設施至得施○說文言部設施陳也

施設猶言施行謂權之所施行也昭四年左傳使杜洩舍路

杜云舍置也釋文音捨如置死亡之事不得施者如殺身成

仁之屬有死無二不得藉權自飾下傳云行權有道是也繁

露玉英云夫權雖反經亦必在可以然之域不在可以然之

域故雖死亡行權有道自貶損以行權注身蒙逐君之惡以

終弗爲也疏注身蒙至是也○鹽鐵論論儒云祭仲自貶不

存鄭是也疏損以行權時也蒙逐君惡名是其自貶損也不

害人以行權注已納突不害忽是也疏注已納至是也○里

子甯喜納獻公弑其君
剽之屬皆害人者也 殺人以自生亡人以自存君子不為

也注祭仲死則忽死忽死則鄭亡生者乃所以生忽存鄭非

苟殺忽以自生亡鄭以自存反覆道此者皆所以解上死亡

不施於己宋不稱公者魯鄭立篡首惡當誅非伯執也祭仲

不稱行人者時不衡君命出使但往省留耳執例時此月者

為突歸鄭奪正鄭伯出奔疏注祭仲至於己○漢書鄭陽傳

突以活其君非義也春秋記之為其以生易死以存易亡也

後漢書馮衍傳順而成者道之所大也逆而功者權之所貴

也是故則於自成不問所由論於大體不守小節昔逢丑父

伏軾而使其君取政稱於諸侯鄭祭仲立突而出忽終得復

位美於春秋蓋以死易生以存易亡君子之道也詭於眾意

保國存身賢智之慮也蓋祭仲死則徒死無救於忽與鄭苟
免求生乃能生忽存鄭非徒殺入自生亡人自存者比也包
氏慎言云祭仲之事公羊言之矣曰權之所設舍死亡無所
設行權有道自貶損以行權殺人以自生亡人以自存君子
不為也祭仲省留為宋人所執非有辱國之罪仲不宜死宋

執仲而脅仲以廢立仲宜效死然宋大於鄭忽又弱士內無
所倚仲死而無解於鄭之亡無救於忽之死故竊蒙不慙之
名順宋而挈突以歸突歸忽出而忽劑可以生突學於仲仲
能立之亦能廢之則忽可以救反忽之得歸而反正仲之智
為之也子粹父髮當誅父溺而子粹其髮俄頃之變存亡繫
焉避誅而陷父於死非子也仲之出忽子粹父髮之說也君
子無誅焉仲無足取而其機變之深能使天日再明是以為
凡世處危急者法後世遇祭仲之變者能如祭仲之所為則
生不能如祭仲之所為則死聖人豈輕以許人哉身之所為則
不足繫君國之存亡而偷生以從逆者祭仲之罪人也蜀漢
姜維有祭仲之志事幾成而敗君子悲焉通義云權之所設
良以事有歧趨道或兩室利害資於審處輕重貴其稱量是
故身與義權則義重義與君權則君重君與國權則國重古
之人謀其君不私其身況私其名乎昔周公負展踐阼蹈偏
上之嫌殺管叔蔡叔近滅親之過卒使沖人成德王室底定
詩人美之曰公孫碩膚德音不瑕孫之言巽也易所謂巽以
行權也然而嫂不溺不援君不危社稷則不變置是以反覆
中明行權之匪易均之事也施於君死國亡則為權施於生
己存己則為私亦視其心而已後世有藉權之名濟其變詐
者俗儒欲以此傳執其咎可乎夫君子之行權雖若反經然
要其後必有善存焉若仲者未能善其後者也詩曰采芣采
菲無以下體春秋之於祭仲取其詭詞從宋以生忽存鄭為

近於知權耳仲後遂巡畏難不終其志經於忽之弑子奩子
 儀之立一切沒而不書所以醜順其文成仲之權使可為後
 法故假祭仲以見行權之道猶齊襄公未必非利紀也而假
 以立復讐之準所謂春秋非記事之書明義之書也苟明其
 義其事可略也俗儒責仲當守死不聽仲既被執終無能為
 仲死而突故入忽故亡匹夫之諒何所取之外大夫例恆書
 名獨祭仲書字灼然見賢必不信傳將不信經乎仲唯得於
 本事不名季友沒仍稱字又可以明仲一時之權固未若季
 子之盡善矣伯莒之戰傳曰吳何以稱子夷狄也由是言之一簡
 其下吳入楚傳曰吳何以不稱子夷狄也由是言之一簡
 之中隨宜褒貶仲時所行暫得合權校其後事仍自無取正
 齊不保其往不與其退苟達於此了無閔義按孔包所論中
 明剴切傳之所以反覆道此者益見其義死亡不施於已非
 徒然也○注宋不至執也○十行本立作之闕本監本毛本
 同誤也依鄂本正僖四年傳云稱侯而執者伯討也稱人而
 執者非伯討也此不稱爵故知非伯討魯立魯當誅故也舊
 疏云決成十五年晉侯執曹伯歸于京師稱爵是也穀梁傳
 曰宋人者宋公也其曰人何也貶之也注惡其執人權臣廢
 嫡立庶○注祭仲至留耳○舊疏云決定六年秋晉人執宋
 行人樂祁犁之屬稱行人也○注執例至出奔○即祁犁書
 秋是也此書
 月故解之

突歸于鄭

突何以名注据忽復歸于鄭俱祭仲所納繫國得世子不但

名也疏鄭世子忽復歸于鄭是也注挈猶提

挈也突當國本當言鄭突欲明祭仲從宋人命提挈而納之

故上繫於祭仲不繫國者使與外納同也時祭仲勢可殺突

以除忽害而立之者忽內未能懷保其民外未能結款諸侯

如殺之則宋軍強乘其弱滅鄭不可救故少遼緩之疏猶提

挈也○墨子經說云挈有力也引無力也釋名釋姿容云挈

結也結束之速持之也持時也時之於手中也禮記王制云

班白者不提挈漢書張耳陳餘傳以兩賢王左提右挈說文

手部挈縣持也廣韻挈提挈也提挈多連文為訓突之入不

入惟祭仲所提挈也○注突當至祭仲○常閩本監本毛本作常依鄂本正通義云蒙上鄭祭仲義不復繫鄭以見突為仲所挈引得歸也突當國當如衛州吁齊無知稱鄭突○注不繫至同也○舊疏云言與外納同者即繫祭仲言于鄭是

也言似僖二十五年楚人圍陳納頓于頓文十四年晉人納捷菑于邾之屬是也○注時祭至緩之○毛本突誤奪款

鄂本作助少遼緩之猶上祭其言歸何注據小白言入疏注

仲從宋入出忽立突意也○注順其計策與使行權故齊小白入于齊是也

使無惡疏注順其至無惡○下十五年傳例云歸者出入無繁露王道云魯隱之代桓立祭仲之出忽立突仇牧孔父苟

息之死節公子目夷不與楚國此皆執權存國行正世之義守倦倦之心春秋嘉氣義焉故皆見之復正之謂也殺梁尊

曰歸易詞也祭仲易其事權在祭仲也亦即公羊擊乎祭仲

義之

鄭忽出奔衛

忽何以名注據宋子既葬稱子疏注據宋至稱子○僖九年

幸周公齊侯宋子已下于葵丘是宋公稱子在未葬前此云既葬誤也彼注云宋未葬不稱子某者非居尸柩之前故不

名也然則未葬稱子某既葬稱子宋公出會諸侯非尸柩前故從既葬之稱稱子此鄭忽正既葬後宜稱子故據葬之

春秋伯子男一也辭無所貶注春秋改周之文從殷之質合

伯子男爲一一辭無所貶皆從子夷狄進爵稱子是也忽稱

子則與春秋改伯從子辭同於成君無所貶損故名也名者

緣君薨有降既葬名義也此非罪貶也君子不奪人之親故

使不離子行也王者起所以必改質文者爲承衰亂救人之

失也天道本下親親而質省地道敬上尊尊而文煩故王者

始起先本天道以治天下質而親親及其衰敝其失也親親

而不尊故后王起法地道以治天下文而尊尊及其衰敝其

失也尊尊而不親故復反之於質也質家爵三等者法天之

有三光也文家爵五等者法地之有五行也合三從子者制

山中也疏注春秋至從子○此道春秋制也繁露三代改制

貶何以爲一曰周爵五等春秋三等春秋何三等曰王者以制一商一夏一質一文商質者主天夏文者主地春秋者主人故三等也又云故天子命無常唯命是德慶故春秋應天作新王之制宜商合伯子男爲一等史記三王世家云昔五帝異制周爵五等春秋三等皆因時而序尊說苑修文云商者常也常者質質主天夏者大也大者文也文主地故王者一商一夏再而復者也然則春秋當新王故以殷變周也又君道云孔子曰夏道不亡商德不作商德不亡周德不作周德不亡春秋不作春秋作而君子知周亡也按春秋繼周一質一文故改周文從殷質論語爲政篇所謂其或繼周者是也春秋三等公一等侯一等伯子男爲一等鄭木伯爵稱子與伯無異辭無所貶故稱名示異宋衛公侯故稱子示降也○注夷狄至是也○文十二年楚子使椒來聘襄二十九年吳子使札來聘是也春秋從殷改周殷夷狄之君亦稱伯書序云巢伯來朝傳伯筭也南方遠國知殷之稱伯與春秋書子一也禮記曲禮云其在東夷北狄西戎南蠻雖大曰子注謂九州之外長也雖有侯伯之地本爵亦無過子春秋備七等以進退至字不若子而止所見之世夷狄始進爵稱子故也○注忽稱至名也○閩本監本毛本春秋作諸侯依鄂本正緣鄭爵本伯忽降稱子與稱爵無異故降而稱名貶於成君所以別嫌也通義云本所以公侯在喪稱子者緣孝子之心不忍高君位示自貶損從小國辭也鄭伯爵乃與子男

為一等若亦改稱子未見貶損之義且今滕莒邾婁等國亦
 在喪稱子反嫌是爵故更降之同於附庸君稱名此為未諭
 年之達號所以知與陳佗莒展殊者陳桓公之卒莒子密州
 之狄皆已隔年自不嫌為在喪稱名云爾按公侯稱子于者
 人君在喪之稱稱名亦然未必於從小國辭王在喪稱小童
 可證○注名者至義也○白虎通爵篇云父在稱世子何繫
 於君也父沒稱子某何屈於尸也既葬稱子者即尊之漸
 也踰年稱公者緣民臣之心不可一日無君也莊三十二年
 傳君存稱世子君薨稱子某既葬稱子注名者尸柩尚存猶
 以君前臣名也此注云既葬名者順鄭忽稱名在葬鄭莊公
 後為說謂君薨有降稱之義故既葬仍稱名與上注引宋子
 既葬稱子同彼宋公賁未葬也曲禮疏凡諸侯在喪之稱公
 羊未葬稱子某者莊三十二年子般卒襄三十一年子野卒
 皆是君薨稱子某也既葬稱子則文十八年子惡卒經書子
 卒是也踰年稱君則僖十年里克弒其君卓文公元年公即
 位是踰年稱君也若其君自稱猶曰子故文九年傳諸侯於
 其封內三年稱子是也按昭十一年楚滅蔡執蔡世子有其
 時蔡君已死其子仍稱世子者何云稱世子者不與楚之滅
 蔡也猶若君存然故猶稱世子文十四年九月齊商人弒其
 君舍舍為君成商人之弒也襄二十九年吳子使札來聘先
 君未踰年吳稱子者賢季子故錄之桓十一年鄭忽出奔衛
 先君既葬而尚稱名者公羊云何以名伯子男一也詞無所

貶何云直以喪降稱名無餘罪致貶凡以王事相會未踰年
 皆稱子信九年會于葵丘宋襄公稱子信二十八年會于踐
 土陳共公稱子定四年會召陵陳懷公稱子皆未踰年會王
 事稱子也若未踰年非王事而稱爵皆譏耳成四年鄭伯伐
 許是也此皆公羊之義也○注此非至行也○君子不奪人
 之親禮記曾子問文春秋書名多在貶絕科上六年傳陳君
 則曷為謂之陳佗絕也曷為絕之外淫也下十六年傳衛侯
 朔何以名絕曷為絕之得罪于天子也彼皆以罪貶此與彼
 異故解之君薨有降稱名之義故使不離子行也○注王者
 至質也○舊疏云天道本下親親而質省者已下至反之於
 質皆出於樂說文禮記表記云夏道尊命事鬼神而遠之
 近人而忠焉先祿而後威先賞而後罰親而不尊其民之敝
 恣而恩喬而野樸而不文殷人尊神率民以事神先鬼而後
 禮先罰而後賞尊而不親其民之敝蕩而不靜勝而無恥周
 人尊禮尚施事鬼神而遠之近人而忠焉其賞罰用爵祿親
 而不尊其民之敝利而巧文而不慙賊而蔽鄭注敝謂政教
 衰失之時也政教有衰失故改質文以救之惟夏文殷質周
 文殷當親親周與夏當尊尊也白虎通三教云王者必一質一
 文者何承衰救敝欲民反正道也又三正篇云王者必一質一
 文者何所以承天地順陰陽之道極則陰道受陰之道極
 則陽道受明二陰二陽不能相繼也質法天文法地而已故
 天為質地受而化之養而成之故為文文選注引元命包云

王者一質一文據天地之道天質而地文又禮記疏引元命包云三王有失故立三教以相變夏人之立教以忠其失野故教野莫若敬殷人之立教以敬其失鬼教鬼莫若文周人之立教以文其失蕩救蕩莫若忠如此循環周則復始窮則相承史記高祖本紀太史公曰夏之政忠忠之敝小人以野故殷人承之以敬敬之敝小人以鬼故周人承之以文文之敝小人以儻故教儻莫若以忠三王之道若循環周則復始漢書董仲舒傳三王之道所祖不同非其相反將以裒益扶衰所遭之變然也白虎通又云三正之有失故立三教以相指受夏人之王教以忠其失野教野之失莫若敬殷人之王教以政其失鬼教鬼之失莫如文周人之王教以文其失薄教薄之失莫如忠繼周尚黑制與夏同三者如順連環周而復始窮則反本鹽鐵論錯幣云三王之時迭盛迭衰衰則扶之傾則定之是以夏忠殷敬周文庠序之敬恭讓之禮粲然可觀也說苑修文云夏后氏教以忠而君子忠矣小人之失野教野之失莫如敬故殷人之教以敬而君子敬矣小人之失鬼教鬼莫如文故周人教以文而君子文矣小人之失薄故教薄莫如忠故聖人之與聖也如矩之三雜規之三雜周則又始窮則反本也是皆為承衰救亂教人之失也三代所尚忠敬文為三教皆不外乎質文質文之道本乎天地施之於人不外尊親而已繁露三代改制云主天法商而王其道佚陽親親而多仁樸主地法夏而王其道進陰尊尊而多義

節又云主天法質而王其道佚陽親親而多質愛主地法文而王其道進陰尊尊而多禮文是則天道親親而質省地道尊尊而文煩義也禮記表記又云厚於仁者薄於義親而不尊厚於義者薄於仁尊而不親故多仁樸其失親親而不尊多義節其失尊尊而不親也亦即周而復始窮則反本義也。注質家至行也。舊疏云皆春秋說文白虎通爵篇云爵有五等以法五行也。或三等者法三光也。或法三光或法五行何質家者据天故法三光文家者据地故法五行故合文嘉曰殷爵三等周爵五等各宜也禮記疏引元命包云周爵五等法五精春秋三等法三光宋注五精是其總法五行分之則法五剛甲丙戊庚壬其諸侯之臣法五柔乙丁己辛癸漢書王莽傳周爵五等地四等有明文殷爵三等有其說無其文又袁盎傳殷道質質者法天周道文文者法地春秋變周之文從殷之質故三等定爵也莽傳謂無其文者春秋爲後世制法故第有其說也。注合三至中也。禮記王制云公侯田方百里伯七十里子男五十里鄭注此地殷所因夏爵三等之制也殷有鬼侯梅伯春秋變周之文從殷之質合伯子男以爲一皆稱伯也與何休不同故鄭云殷爵三等者公侯伯也則公百里侯七十里伯子男五十里也按鄭意以諸侯台伯子男爲一皆稱伯異圻內之君謂之子白虎通爵篇云殷爵三等公侯伯也所以台子男從伯者何王者受命改文從質無虛退人之義故上就伯也尚書曰侯甸任衛

作國伯謂殷也春秋傳曰合伯子男以爲一爵或曰或從子
貫中也以春秋名鄭忽忽者鄭伯也此未踰年之君嫌爲改
伯從子故名之也白虎通前一說鄭氏所本後一說何氏所
本也圻內諸侯雖稱子以王制校之若爲三公當受百里之
封若爲卿當受七十里之封若爲大夫當受五十
里之封與夏之圻內諸侯皆五十里者不同也

柔會宋公陳侯蔡叔盟于折

疏社云折地闕釋文折一本作析唐石經作折

柔者何吾大夫之未命者也

注以俠卒也輒發傳者無氏嫌

貶也所以不卒柔者深薄桓公不與有恩禮於大夫也盟不
日者未命大夫盟會用兵上不及大夫下重於士罰疑從輕

故責之略蔡辭叔者不能防正其姑姊妹使淫於陳佗故貶

在字例

疏注以俠卒也○隱九年春俠卒傳俠者何吾大夫之未命者也注以無氏而卒之也與此書柔同穀

梁傳亦云柔者何吾大夫之未命者也○注輒發至貶也○
隱二年傳無駭者何展無駭也何以不氏貶也曷爲貶疾始
滅也又四年傳公子翬也何以不稱公子貶曷爲貶與弒公
也此柔不書氏嫌與無駭同貶故復發傳也然則內大夫

不書氏有二一則未命大夫此及侯是也一則貶不書氏無
 駭公子是也其僑如遂豹等之不書氏當文各自有解也
 ○注所以至夫也○隱九年侯卒注未命所以卒之者賞疑
 從重明隱公有恩禮於大夫也此不書柔卒故為薄桓公不
 與恩禮也柔卒不見何以責桓公者蓋何氏別有所見柔卒
 桓世故云然○注盟不至之略○隱元年注君大夫盟例日
 惡不信也小信月大信時明年伐宋是不信而不日故解之
 通義云明年背盟伐宋而此盟不日者為下公親為穀上之
 盟責不信在公不在柔也意柔非命大夫故責之略也舊疏
 云春秋之例不信者日下十二年及鄭師伐宋丁未戰于宋
 是其違信矣不日者正以未命大夫故責之略也罰疑從輕
 者新語連語云故獄疑則從去賞疑則從子又大政云是以
 一罪疑則弗遂誅也故不日得改也偽古文大禹謨云罪疑
 惟輕柔非執政大夫背盟與否恐未能主罰之應否亦在可
 疑故從輕以略其責也○注蔡稱至字例○監本闕本毛本
 作蔡下有侯字鄂本無舊疏標起說亦作蔡稱至字例無侯
 字是也包氏慎言云失爵稱字謂絕奪其爵也陳佗事見上
 六年傳所謂淫於蔡是也不能防正貶爵為字莊十年云字
 不若子即字
 不若爵意也

公會宋公子夫童

疏

左氏作夫鍾毅梁同杜云夫鍾鄰地毅梁
 虞氏本作夫童音鐘水經淇水篇無棘溝

又東南逕高成縣南與枝瀆合瀆上承無棣溝南逕樂陵西又東南逕千童縣故城東史記建元以來王子侯者年表千鍾徐廣曰一作重索隱曰漢表作重侯在平原地理志有重丘釋文夫童下音鍾沈氏欽韓云今兗州府汶上縣有夫鍾里

冬十有二月公會宋公子闕疏杜云闕魯地在東平須昌縣東

縣南旺湖中大事表云魯先公墓所在自隱桓以下皆葬此今兗州府汶上縣西南三十五里有南旺湖湖中有闕亭其地高阜六七即魯先公葬處定元年季孫使役如闕即此水經注濟水篇濟水故瀆又北右合洪水上承鉅野薛訓渚歷澤西北渚又北逕闕鄉城西春秋公會宋公子闕郡國志曰東平陸有闕亭

十有二年春正月

夏六月壬寅公會紀侯莒子盟于毆蛇疏左氏紀侯作杞侯毆

魯地魯國汶陽縣北有曲水亭大事表在今曲阜縣東北四十里水經注汶水篇汶水又西南逕魯國汶陽縣北縣有曲水池亭春秋公會杞侯莒子於曲池續漢志注地道記臨淄縣西南門曰曲門其側有池非也一統志嶮河在兗州府曲

皇清逕輝賣扁公羊義疏十五

阜縣東北五十里源出九龍山東南流入洙水其豁澗險隘
卽此曲池也今其水常流不絕顧氏炎武唐韻正云燭曲平
聲則音區春秋桓十二年公會杞侯莒子盟于曲池公羊作
駸蛇汲冢書作區蛇上聲則丘羽反去聲則丘具反五臣注
文選陸機漢高祖功臣頌云曲音區句反按駸從區聲古區
曲同部字得相假借蛇從生聲池從也聲亦同部相假借也
故周禮職方氏職其川庫池釋文池徒多反禮記禮器云必
先有事于惡池釋文池大河反皆讀如它說文它部它虫也
从虫而長象宛曲垂尾形上古艸居患它故相問無它乎又
出蛇字云或从虫是蛇卽它也故音託何反六月書壬寅七
月書丁亥據麻王寅爲五月之
二日丁亥爲八月之十八日

秋七月丁亥公會宋公燕人盟于穀丘疏杜云燕人南燕大夫

燕師伐鄭杜云南燕國今東郡燕縣彼疏引世本云燕國姑
姓地理志東郡燕縣南燕國姑姓黃帝之後也小國無世家
不知其君號諡唯莊二十年燕仲父見傳耳按燕有二一爲
北燕召公奭後姬姓一爲南燕地理志有南燕在今衛輝府
延津縣地莊十六年燕與衛伐周出惠王史記燕世家記爲
北燕事燕仲父爲北燕君索隱曰譙周云据左氏燕與衛伐
周惠王乃是南燕姑姓而系家以爲北燕伯故著史考云北
燕是姑姓今檢左氏莊十九年衛師燕師伐周二十年齊伐

山戎傳云執燕仲父三十年齊伐山戎傳曰謀山戎以其病
燕故也據傳文及此記元是北燕不疑杜君妄說仲父為南
燕伯為伐周故且燕衛俱是姬姓故有伐周納王之事若是
姑燕與衛伐周則鄭何以獨伐燕而不伐衛乎按左傳亦未
明稱南燕以為南燕者杜氏之說此燕人亦未詳為何燕考
昭十二年云北燕伯欵出奔齊彼既明云北燕則此單言燕
者或南燕與穀丘杜云宋地大事表云左傳云句瀆之丘杜
注即穀丘也方輿紀要在今山東曹州府曹縣北三十五里
按穀即句瀆之合聲也漢書地理志濟陰郡句陽下云應劭
曰左氏傳句瀆之丘也紀要又云穀丘在歸德府商丘縣南
四十里桓十二盟于穀丘是也寰宇記穀丘在宋州穀熟縣
南二十里按商丘之穀丘與在曹縣者自為二地魯宋燕所
盟似在曹州
府界為宜

八月壬辰陳侯躍卒注不書葬者佗子也佗不稱侯者嫌貶在

名例不當絕故復去躍葬也疏八月書壬辰月之二十三曰

紀世家云厲公所殺桓公太子免之三弟長曰躍中曰林少
曰杵曰與蔡人共殺厲公而立躍是為利公利公者桓公子
也利公立五年卒與此不合左傳以厲公即躍與史記乖田
完世家又云桓公之少子林怨厲公殺其父與兄乃令蔡人

誘厲公而殺之林自立是為莊公均以厲公即佗而田完世家又無躍一代此注以躍即佗子又與左傳二世家不合今以何氏為主正若係桓公卒葬皆由春秋何為不書葬也○注佗不葬也○通義云凡外卒葬皆由春秋錄之其或不卒不葬亦由春秋削之俗儒但云魯往會葬則書不葬則不書是魯史也非聖經也春秋有臨天下之言焉諸侯之葬當請於王故不曰某國葬某公而曰葬某國某公以王命葬之之詞也王道熄矣春秋乃以文王之法臨之而託其義通義又云躍陳厲公也蓋以誅佗立躍本與殺州吁立晉同義緣從託始省文躍篡未明故不書葬以晉侯黑臀例之可見也知不然者以躍為陳厲公本左氏說非公羊義陳佗見殺于蔡與衛人殺州吁不同晉夷庚見弑於趙盾黑臀立不討賊與聞於弑可知故削其葬以見義躍為佗子亦不得責之以篡陳力不能討蔡在春秋原情之列亦不得責躍以不討賊蓋陳佗外淫當絕躍當從誅君之子不立之義故去其葬以明佗之當在誅絕科也

公會宋公子鄭疏箋云虛古多訓空以其有空音也鄭與空音

之通轉猶垂隴之作垂斂也按鄭與空古音通是也虛有空音音未詳大事表云疑在睢州境一統志衛輝府延津縣東南有故虛城按蘇代云決宿胥之口則魏無虛頓丘頓丘為今大名清豐縣地宿胥為今清縣地則謂在睢州境者亦通會

會宋公在宋境爲宜穀
梁注虛鄭地未知所據

冬十有一月公會宋公子龜

杜云龜宋地大事表云疑在唯
州境宋本作龜毛本作龜皆誤

當作龜按魯有龜山在泰山郡蒙陰縣境
所謂龜陰之田是也或宋公來會魯地與

丙戌公會鄭伯盟于武父

疏十一月兩書丙戌十一月無丙戌
十月之十八日也杜云武父鄭地

陳留陽武縣東北有武父城大事表云水經注濟陽縣故城
武父城也今在直隸大名府東明縣西南與河南開封府蘭
陽縣接界一統志武父城
在大名府東明縣西南

丙戌衛侯晉卒

注不蒙上日者春秋獨晉書立記卒耳當蒙上
日與不嫌異於篡例故復出日明同

疏注不蒙至明同○通
義云穀梁傳再稱日

決日義也蓋同日兩事先盟後卒既嫌日不相蒙先卒後盟
盟例本有不日又無以決丙戌爲盟日必欲著丙戌爲盟日

者著明桓盟皆日以重疾其無信必欲決丙戌爲卒日者春
秋獨晉書立嫌爲大惡不當日也邾子纓且卒不再日者接

畜有弗克納文則覆且正當立已明故無嫌按春秋篡不明
者卒去日僖二十四年冬晉侯夷吾卒襄十八年冬十月曹

伯負芻卒于師是也若其篡已明則不去日此衛侯晉於隱四年書衛人立晉其篡已明若不重書丙戌則嫌在不日之例是異於篡矣故復書日以明之僖十七年冬十二月乙亥齊侯小白卒莊二十一年夏五月辛酉鄭伯突卒皆書日以齊小白鄭突皆有入文其篡亦明故也言獨者舊疏云鄭突齊小白皆上有入文不言立故言獨是也篡君所以去日者示略也其纓且之卒范荅蔣氏云異於日食之下可知日是也見楊疏

十有二月及鄭師伐宋丁未戰于宋

戰不言伐此其言伐何辟嫌也惡乎嫌嫌與鄭人戰也注時

宋主名不出不言伐則嫌內微者與鄭人戰于宋地故舉伐

以明之宋不出主名者兵攻都城與鄭同義疏穀梁傳曰非

也注非責彼疏引驪信云此傳解經書下日之意也非責魯

言魯反與其所與戰者戰也謂還與鄭戰彼傳又云不言與

鄭戰恥不和也於伐與戰敗也內諱敗舉其可道者也注於伐宋而與鄭戰內敗也戰輕於敗戰可道而敗不可道然則穀梁即以戰于宋為魯與鄭人戰內不言戰言戰及敗故以戰于宋為敗也明公羊作傳時說春秋者已有以戰于宋為

魯與鄭戰之說故傳決之也通義云此經詭例戰伐兩舉特
恐學者疑或為與鄭戰而穀梁乃正以為與所伐者戰亦可
謂不善讀春秋矣左傳公欲平宋鄭秋公及宋公盟于句瀆
之丘宋成未可知也故又會于虛冬又會于龜宋公辭平故
與鄭伯盟于武父遂帥師而伐戰焉與此傳合十二月無丁
未據麻為十一月之十日○注時宋至同義○言若但言及
鄭師戰于宋則嫌及為內之微者與隱元年及宋人盟于宿
之及同且嫌與鄭人戰故先書伐宋以明與宋戰也與郎同
義者上十年齊侯衛侯鄭伯來戰于郎注云魯不復出主名
者兵近都城明舉國無大小當戮力拒之也此戰于宋明攻
宋都故宋不出主名也此偏戰也何以不言師敗績內不言戰言戰乃
敗矣疏舊疏云上十年郎戰之下已有此傳今復發之者
上經來戰于魯此則往戰于宋嫌其異故明之

十有三年春二月公會紀侯鄭伯己巳及齊侯宋公衛侯燕人

戰齊師宋師衛師燕師敗績疏二月書己巳月之三日包氏
慎言云此年二月有己巳則

前年所書日均有誤可知杜氏長麻於十一年閏正月而此
年又閏正月三年二閏以曲赴極誤皆於麻不合禮記疏引
服虔云時衛先君未葬而稱侯者譏其不稱子也曲禮疏云
此與成十三年經書宋公衛侯並先君未葬而稱爵者賈服

注識其不稱子杜預云非禮也毅梁注徐逸曰僖九年傳曰禮極在堂上孤無外事今衛宣未葬而嗣子稱侯以出其失禮明矣宋陳稱子而衛稱侯隨其所以自稱者而書之得失自見矣

曷為後日注據鞏之戰先書日疏注據鞏至書日○成二年

及齊侯戰注特外也其特外柰何得紀侯鄭伯然後能為日也于鞏是也

注得紀侯鄭伯之助然後乃能結戰日以勝君子不掩人之

功不蔽人之善故後日以明之疏柰閩本監本毛本作柰非

在主名前此在下故特解之明得紀侯鄭伯之助乃能結戰

日也古者戰必卜日周禮太史云太史抱天時與太師同車

先鄭云大山師則太史士抱式以知天時是也○注君子至

明之○說苑酌理云取人之善以自為己是謂盜也又云匿

人之善者是謂蔽賢也明魯得紀侯然後勝故後日以明其功內不言戰此其言戰何注據

公敗宋師于菅疏注據公至于菅○隱十年公敗宋師于菅不日別偏詐耳此書日為偏戰宜但書敗從外也注從外諸某師今言戰嫌與言戰乃敗矣同故難之

侯相與戰例

疏

注從外至戰例○春秋之例凡外戰偏戰曰

于某此書公會紀侯鄭伯及齊侯已下戰齊師已下敗績是

從外諸侯相與戰例也穀梁傳曰其言及者由內及之也其

曰戰者由外言之也范云內不言戰言戰則敗今魯與紀

鄭同討以有紀鄭故可得言戰是及由內稱戰從外稱也曷

為從外注據戰于宋不從外言敗績**疏**注據戰至敗績○舊

上經云及鄭師伐宋丁未戰于宋於時有鄭人宜書敗績特

經仍從內不言戰言戰則敗之例不別書敗故據以為難特

外故從外也注明當歸功于紀鄭故從紀鄭言戰**疏**注明當

○上戰于宋不專恃鄭勝敗魯亦蒙之故仍從內錄此專恃

紀鄭取勝歸功於外故從外曰戰繁露觀德云魯桓即位十

三年齊宋衛燕舉師而東紀鄭與魯勦力而報之後其日以

魯不得逼避紀侯與鄭厲公也按逼字疑誤避紀鄭與歸功

紀鄭之何以不地注據在下句**疏**注據在下句○舊疏云即

義合也何以不地注據在下句**疏**下郎亦近矣郎何以地按

因下傳據郎為難故云據在下近也惡乎近近乎闕**疏**通義

向不然宜云據郎之戰書地近也惡乎近近乎闕**疏**云董

仲舒說四國共伐魯大破之于龍門謂是戰也龍門魯之郭

文毅梁傳其不地于紀也何氏廢疾難云在紀無為不地范
注引鄭釋之曰紀當為已謂在魯也字之誤耳得在龍門城
下之戰迫近故不地劉氏逢祿云鄭以公羊義改紀為已不
知傳義如此當云于內不云于已為不辭也經義述聞
云傳凡自魯言皆曰我或曰內無言已者六年蔡人殺陳佗
傳曰其不地于蔡也文義正與此同蔡也紀也皆國名也不
得破紀為已魯職龍門者公羊之說非毅梁說也李氏愷羣
經識小云毅梁曰其不地於紀也范注春秋戰無不地於紀
戰無為不地鄭康成謂于紀之紀當為已字之誤謂在魯龍
門城下之戰故不地楊疏引考異郵及何注公羊亦同然則
非在紀國按龍門之戰亦見春秋緯非專公羊家說毅梁公
羊皆釋不地義公羊之近毅梁云於已二義正同若是作紀
則即書于紀可也無為不地誠如何氏所難
矣傳文不必皆同作內作已似俱無不可
郎亦近矣郎何

以地郎猶可以地也注郎雖近猶向可言其處今親戰龍門
兵攻城池尤危故恥之積功也非義不戰故以功言之不言
功者取其積聚師眾有尊卑上下次第行伍必出萬死而不
奔北故以自敗為文明當坐也燕戰稱人敗績稱師者重敗

也戰少而敗多言及者明見我為主故得汲汲敗勝之文疏

郎之戰見上十年齊侯衛侯鄭伯來戰于郎是也彼傳云郎

者何吾近邑也吾近邑則其言來戰于郎何近也惡乎近近

乎圍也○注郎雖至其處○舊疏云謂郎雖在郊內仍非攻

城猶可以舉其地○注今親至坻之○舊疏引春秋說云龍

門之戰民死傷者滿溝也者主說此經故知之又文選注引

威精符云強桀並侵戰兵雷合龍門溺駝宋注龍門魯地名

也時齊與宋鄭戰敗相殺血溺駝馬又引合誠圖云戰龍門

之下涉血相劍涉血喋血也漢書五行志桓十四年御廩災

董仲舒以為先是四國共伐魯大破之於龍門注引韋昭曰

魯郭門也易林坤之離齊魯爭言戰於龍門構怨連禍三世

不安○注績功至坐也○閩本監本毛本北作此依鄂本正

宣十二年穀梁傳績功也爾雅釋詁績功也詩文王有聲維

禹之績箋云績功也書堯典庶績咸熙史記五帝紀作眾功

皆興通義云敗績者猶周禮言師不功也績取其積也戰功

曰多以數獲積多為上爾雅釋詁績宜事也經義述聞云下

文曰績業也功績成也功績業皆事之宜成者故績業公又

為事也公功古字通阜陶謨庶事康哉堯典庶績咸熙庶績

猶庶事也又曰績用弗成即事弗成也莊十一年左傳大崩

語國無敗績車無敗政謂國無敗事也周語昔吾先王昭王

公羊義疏十五

穆王世法文武遠績以成名謂以文武之事為法也邢引設
 都于禹之績失之按功事通用春秋非義不戰故以功言也
 積聚師眾以積說績疊韻為訓也當坐者繁露竹林云戰攻
 侵伐雖數百起必一二書傷其害所重也故也。注燕戰至
 敗多。舊疏云蓋師不盡戰故言戰少敗時悉走故不言敗
 多而莊二十八年齊人伐衛衛人及齊人戰衛人敗績傳即
 據此經云敗者稱師衛何以不稱師未得乎師也彼注云未
 得成列為師也梁傳云戰稱人敗稱師重眾也繁露竹林
 云春秋愛人而戰者殺人君子矣說善殺其所愛哉。注言
 及至之文。明見我者為主鄂本同宋本闕本監本毛本我
 誤伐校勘記云者字當衍蓋我誤為伐始衍者字矣隱元年
 傳及猶汲汲也及我欲之注欲之者善重惡深我為主明敗
 勝皆當坐
 魯重也

三月葬衛宣公注背殯用兵而月不危之者衛弱於齊宋不從

亦有危故量力不責也疏注背殯至責也。隱三年傳當時
 也衛惠背殯用兵有危宜書且此不日故解之量力不責猶
 下十八年之君子辭也繁露玉英云苟能行善得眾春秋非
 危衛侯晉以正書葬是也俱不宜立而宋繆公受之先君而
 危衛宣弗受先君而不危以此見得眾心之為大安也解衛

宣之書葬得正為得眾與何義異左氏家杜預殺梁家徐邈皆責衛惠公稱侯於先君未葬自惡其不稱子以侯禮接鄰國也禮記疏引服虔說亦同

夏大水

注為龍門之戰死傷者眾民悲哀之所致

疏注為龍至

門戰見上漢書五行志桓公七年秋大水董仲舒劉向以為桓秋兄隱民臣痛隱而賤桓後宋督弑其君諸侯會將討之桓受賂而歸又背宋諸侯由是伐魯仍交兵結仇伏尸流血百姓愈怨故十三年夏復大水一日夫人驕盈將弑君陰盛桓不寤卒弑死劉歆以為桓易許田不祀周公廢祭祀之罰也按歆說取徵太遠

秋七月

冬十月

十有四年春正月公會鄭伯于曹

疏通義云以曹地者參會也左傳曰曹人致餼按此與

及宋人盟于宿同

無冰

疏郭本冰誤水

何以書記異也注周之正月夏之十一月法當堅冰無冰者

溫也此夫人淫泆陰而陽行之所致疏注周之至所致○漢

奧劉向以為春秋亡冰也小奧不書無冰然後書舉其大者

也京房易傳曰祿不逢行茲謂欺厥咎奧雨雪四至而溫臣

安味樂逸茲謂亂奧而生蟲知罪不誅茲謂舒其奧夏則暑

殺人冬則物華實重過不誅茲謂亡乞徵其咎當寒而日奧

六日也桓公十四年春無冰劉向以為周春今冬也先是連

兵鄰國三戰而再敗也內失百姓外失諸侯不敢行誅罰鄭

伯突篡兄而立公與相親長養同類不明善惡之罰也董仲

舒以為象夫人不正陰失節也彼又云一日水旱之災寒暑

之變天下皆同故曰無冰天下異也周失之舒秦失之急故

周衰無寒歲秦滅無奧年按如傳文自為魯記異異者先事

而至于者董何說同通義云五行傳曰視之不明是謂不慙厥

咎舒厥罰桓煥其不曰水不為冰而曰無冰何也春秋本天

道以正人事詩曰二之日整冰冲冲三之日納于凌陰藏冰

之禮先王所重天道當寒不寒水澤不腹堅於是無以取冰

無以取冰則春無以薦夏無以殞故以無言之見人事日之

之辭也穀梁傳注引徐邈云無冰者常陽之異此夫人淫泆

陰為陽行之所致與何說合

夏五鄭伯使其弟語來盟

夏五者何無聞焉耳注來盟者聘而盟也不言聘者舉重也

內不出主名者主國也莅盟可知莅盟來盟例皆時時者從

內為王義明王者當以至信先天下疏通義云本當言夏五

語來盟簡札爛滅不知盟日春秋方令桓盟皆日以重著其

無信故進不可就五增月退不可去五存夏即用舊文無所

增損亦因以示史闕疑之法子曰聽遠音者聞其疾而不聞

其寄望遠者察其貌而不察其形立乎定哀以指隱桓隱桓

之月遠矣夏五傳疑也按何云時者從內為王義孔云當言

幹枝則書日矣與何義不合惟既有五則不僮書時已見似

何義亦尙未協殺梁釋文夏五本或有月者非杜云闕文范

云孔子在於定哀之世而錄隱桓文之事故承闕文之疑不

書月明皆實錄詔殺梁作御釋文云本亦作禦楊疏本即作

禦史記東越列傳樓船將軍率錢唐轅終古斬御北將軍為

禦兒侯正義禦字今作語漢書幽州傳即作語兒侯即今之

嘉興語兒鄉也是語禦古通用注來盟至重也注盟重於

聘故書盟以舉重然則春秋凡書來盟皆聘而盟矣成三年

晉侯使荀庚來聘衛侯使孫良夫來聘丙午及荀庚盟丁未

及孫良父盟彼亦因聘而盟聘盟兩書者彼傳云尋舊盟也
注尋釋舊故約誓也書者惡之明其不止結盟而已也○注
內不至可知○內不出與盟者名氏既曰來盟凡內曰來盟
內大夫莅盟矣○注莅盟至皆時○僖三年冬公子友如齊
莅盟定十一年冬叔還如鄭莅盟是莅盟時也宣七年春衛
侯使孫良父來盟是來盟時也外而來內曰來盟內而往外
曰莅盟文十五年春三月宋司馬華孫來盟書月者彼注云
文公微弱大夫秉政宋亦蔽於三世之黨二亂結盟故不與
信詞也蓋來盟莅盟與離參者異故皆與信辭○注時者至
天下○王校勘記云鄂本元本闕本同監本毛本王誤主下
云明王者當以至信先天下可證此本作王此夏五應是夏
五月之尊文何氏以為時者舊疏云來盟之例例不言月而
此有五師所不說何氏以五字或衍
文故如此義或然也盟例不信時

秋八月壬申御廩災

疏包氏慎言云八月書壬申乙亥八月無

月為夏正六月非嘗之時傳曰常事不書此何以書歲嘗也
曰猶嘗乎御廩災不如弗嘗而已是書嘗非責其不時責其
不知廢時祭以應天變也則公羊經
文本作九月與祭以首時之例合

御廩者何黍盛委之所藏也注黍稷曰黍在器曰盛委積也

御者謂御用于宗廟稌者釋治穀名禮天子親耕東田千畝

諸侯百畝后夫人親西郊采桑以其桑盛祭服躬行孝道以

先天下疏禮記明堂位云米廩有虞氏之庠也鄭注魯謂之

魯家於此學中藏此桑盛委積又月令云藏帝籍之收於神

倉藏敬必飭注重桑盛之委也帝籍所耕千畝也藏祭祀之

穀為神倉疏委謂委積之物重此桑盛委積之物故內於神

倉引公羊傳云桑盛委之所藏皇氏云委謂輪也其義非蓋

秦名神倉魯名御廩均為藏積桑盛之所不必有定名也周

禮稌人職云大祭祀則共其接盛注接讀曰扱扱以授春人

大祭祀之教籍田之收藏於神倉者不以給小用亦以月令

說周制也晉書天文志天廩四星主蓄黍稷以供享祀即春

秋之御廩也○注黍稷至曰盛○周禮天官甸師職以其廩

盛鄭注廩盛祭祀所用穀也桑稷也穀者稷為長是以名云

在器曰盛上六年左傳云桑盛豐備杜注黍稷曰桑在器曰

盛穀梁范注云天子親耕其禮三推黍稷曰桑在器曰盛說

文皿部齋黍稷器所以祀者盛黍稷在器中以祀者也又地

官春人云其其盛之米注盛謂黍稷稻梁之屬可盛以

為簠簋實然則以器內所實言之謂之桑爾雅云黍稷也稷

為穀長以統眾穀而言也以諸穀在器言之謂之盛黍稷稻

梁皆是也段氏玉裁說文注云周禮一書或兼言盥盛若春人肆脚小祝是也單言盥若大宗伯小宗伯大祝是也單言盛若館人原人是也小宗伯逆盥注受館人之盛以入然則盥盛可互稱也甸師注云桑稷也穀者稷為長是以名盥桑古今字也毛詩甫田作齊亦作盥用古文禮記作桑盛用今文左傳作桑盛則用今字之始左傳曰潔桑豐盛毛傳曰器實曰盥在器曰盛鄭注周禮盥或專訓稷或訓黍稷稻梁盛則皆訓在器是則桑之與盛別者盥謂穀也盛謂在器也許則云器曰盥實之則曰盛似與毛鄭異蓋許主說字其字从皿故謂其器可盛黍稷曰盥要之盥可盛黍稷而因謂其所盛黍稷曰盥凡文字故訓引伸每多如此○注委積也○廣雅釋詁委積也莊子知北遊云是天地之委形也釋文引司馬注云委積也管子國蓄云彼人君守其本委謹房注委所委積之物也周禮大司徒職令野脩道委積鄭注少曰委多曰積是其義通也周禮宰夫職掌其牢禮委積膳獻飲食賓賜之殮秦注委積謂牢米薪芻給賓客通用也蓋凡積聚之物皆可曰委故供賓客者亦曰委積不必宗廟用也此云桑盛委之所藏謂桑盛委積之所藏委即桑盛非必桑盛外別有委也○注御者至宗廟○獨斷云天子所進曰御又云御者進也凡衣服加於身飲食適於口妃妾接於寢皆曰御荀子大略云天子御庭諸侯御茶注御者言臣下所進御也禮記王制云千里之內以為御注御謂衣食亦謂進御所須者

也按詩六月傳御進也廣韻御侍也進也進於尊者故凡進於尊者服食所須皆謂御因之君上所止曰御前書曰御書服曰御服皆取統御之義此為君上祭宗廟所用故亦曰御廩也或御用作進川解亦通。注廩者至穀名。舊疏云謂廩之言藻之義故也按藻與潔通詩采蘋箋云藻之言潔婦人之行尚柔順自潔清是也或藻即潔之誤潔有治義禮喪服藻麻帶鄭注澡者治去葶垢故廣雅釋詁澡治也又釋言云廩治也展轉為訓得相通漢書昭帝紀朕虛倉廩注穀所振入也荀子富國云垣窳倉廩者財之末注米藏曰廩文選注引蔡邕月令章句云米藏曰廩蓋穀必治乃成米可用故廩又為米藏之名也爾雅釋言廩廩也孫炎注廩藏穀絜也亦此義也通義云藏穀曰倉藏米曰廩謂之御廩者給宗廟所用故以米之最精者名也九章粟米術曰粟率五十糶米三十糶米二十七糶米二十四糶米二十一按御廩藏粟盛之委甸師入之廩人共之春人春之小宗伯辨之世婦為之饌人炊之為之即擇之或謂三夫人擇以授饌人誤也。注禮天子至天下。穀梁傳云天子親耕以共粢盛王后親蠶以共祭服國非無良農工女也以為人之所盡事其祖禰不若以己所自親者也舊疏云禮天至天下皆出祭義之文接祭義無此文禮記祭統云天子親耕於南郊王后蠶於北郊與此異又祭義云昔者天子為籍千畝冕而朱紘躬秉耒諸侯為籍百畝冕而青紘躬秉耒以事天地山川社稷先古以

爲醴酪柔盛於乎取之敬之至也注籍之田也千畝百畝
之說與此合引雷次宗五經要義云天子籍田以供上
帝之柔盛所以先百姓而致孝敬也籍田也言親自蹈履於
田而耕之白虎通耕桑云王者所以親耕后親桑以供祭服又云
下農桑也天子親耕以供郊廟之服后親桑以供祭服又云
耕於東郊何東方少陽農事始起桑於西郊何西方少陰女
功所成故曾子問曰天子耕東田而三反之漢書文帝紀詔
曰其間籍田朕親率耕以給宗廟柔盛應劭曰古者天子耕
籍田千畝爲天下先籍者帝王典籍之常也韋昭曰籍借也
借民力以治之以奉宗廟且以勸率天下使務農也臣瓚曰
景帝詔曰朕親耕后親蠶桑爲天下先本以躬親爲義不得
以假借爲喻也籍謂蹈藉也按此所引禮及白虎通所引曾
子問蓋皆逸禮文祭統所記蓋周制逸禮所記或異代禮也
周禮天子諸侯不同制南郊太陽北郊太陰諸侯夫人故降
爲東西郊東郊少陽西郊少陰也祭統記夫人亦蠶於北郊
與后同疏云夫人少陰故合西郊然亦北者婦人質少變故
與后同也禮記月令孟春之月云乃擇元辰天子親載耒耜
播之于參保介之御問帥三公九卿諸侯大夫躬耕帝籍注
元辰蓋郊後吉亥也帝籍爲天神借民力所治之田也國語
周語宣王不籍千畝虢文公諫曰夫民之大事在農上帝之
柔盛於是乎出是籍田亦以其上帝此因嘗祭而災故言朝
行孝道也又季春之月云后妃齊戒親東鄉躬桑禁婦女毋

觀省婦事以勸蠶事注后妃親采桑示帥先天下也東鄉者鄉時義也是明其不常留養蠶也留養者祭義所云卜三夫人世婦之吉者使浴蠶於蠶室者也月令又云蠶事既登分爾效功以共郊廟之服明天地宗廟祭服皆親蠶所共也周禮內宰職云中春詔后帥外內命婦始蠶于北郊以為祭服是周制蠶于北郊也鄭云蠶于北郊婦人以純陰為尊郊必有公桑御廩災何以書記災也注火自出燒之曰災先是龍蠶室焉

門之戰死傷者眾恒無惻痛於民之心不重宗廟之尊逆天

危先祖鬼神不饗故天應以災御廩疏舊疏云御廩災何以

委之所藏故不但言何以書○注火自至曰災○說文火部災天火也左傳宣十六年云人火曰火天火曰災火自出燒之明與人火異也舊疏云公羊之例內悉言災而復言火自出燒之者入春秋始有此災欲通入火不書之義也○注先是至御廩○漢書五行志云傳曰棄法律逐功臣殺太子以妾為妻則火不炎上又云春秋桓公十四年八月壬申御廩災董仲舒以為先是四國共伐魯大破之於龍門百姓傷痍未瘳怨咎未復而君臣俱惰內息政事外侮四鄰非能保守社稷終其天年者也故天災御廩以戒之劉向曰臣御廩夫人入妾所舂米之藏以奉宗廟者也時夫人有淫行挾逆

心天戒若曰夫人不可以奉宗廟桓不寤與夫人俱會齊夫
入諸桓公於齊侯齊侯殺桓公劉歆以為御廩公所親耕藉
田以奉柔盛者也棄法度亡禮之應也按董說與何注合
以災為後事而至者故也向說較切蓋穀梁家先師說

乙亥嘗

常事不書此何以書譏何譏爾譏嘗也注譏新有御廩災而

嘗之疏注譏新至嘗之。左傳疏引服虔云魯以壬申被災

中為致齊之初日御廩即注難曰四時之祭不可

廢則無猶嘗乎疏通義云言猶不廢嘗乎亦可以示變矣按

解亦通。注難曰至嘗乎。何以此為設難語下為答語也

猶即無猶若詩無念為念之例若曰四時之祭不可廢則將

言廢嘗也御廩災不如勿嘗而已矣注當廢一時祭自責以

奉天災也知不以不時書者本不當嘗也疏注當廢至災也
嘗故注云當廢一時祭以答猶嘗之難左疏引服虔云魯以壬
申被災至乙亥而嘗不以災害為恐惠氏士奇春秋說云八

月嘗以災書人君遇災而懼當廢一時祭何休之論篤矣左氏謂書不書也豈其然乎穀梁傳曰夫嘗必有兼甸之事者言夫人始其事餘人次第終其事御廩災明夫人不可以奉粢盛故天災之桓公恬然不懼卒與夫人如齊而有彭生之禍其災先見於此可不懼哉晉書禮志蔡謨議魯桓公壬申有災而以乙亥嘗祭春秋譏之災事既退尤追懼而已故廢宗廟之祭穀梁傳御廩之災不志此其志何也以爲唯未易災之餘而嘗可也志不敬也按穀梁傳又云何用見其未易災之餘而嘗也曰甸粟而內之三宮三宮米而藏之御廩夫嘗必有兼甸之事焉壬申御廩災乙亥嘗以爲未易災之餘而嘗也范注引鄭嗣曰用火焚之餘以祭宗廟非人子所以盡其心力不敬之大也彼傳兼甸當依釋文一本作兼甸十日爲甸蓋宗廟之祭君夫人皆散齊七日致齊三日故有兼甸之事非數日所能備故鄭嗣曰壬申乙亥相去四日言用日至少而功多明未足及易而嘗是也范云夫人親春是兼甸之事兼甸義難通自不如作兼甸爲得也或係涉上甸粟講蓋甸師供所入之粟夫人春之三宮擇之故有兼甸之事焉經義雜記云左氏當從服解杜注謂書以示法最謬夫遇災而懼所以敬天也夙夜小心潔其祭祀所以敬祖也御廩不書而書遂書以示法是聖人之勸災也故不論嘉穀之害與不害而御廩必不可災公羊曰御廩災不如勿嘗甚言其不當災也穀梁曰未易災之餘而嘗志不敬也言災之不可復

嘗也可也者不可也魯人不能於未災之前謹守御禱復不能於既災之後敬卜遠日是皆不以災為恐也依服解而三傳並通欲謂棄法度無禮亦得之董生推所以致災之由可謂遠識矣何氏本之是也然言廢一時祭以奉天災則猶未得公羊之旨穀梁但言甸粟納之三宮三宮米而藏之御廩而子政復推其本以為夫人文姜不可奉宗廟祭祀可謂深切著明矣按何氏謂廢一時祭正傳不如勿嘗義亦未為不得公羊旨也杜氏謬解已為衛冀隆所難見左氏疏○注知不至嘗也○宋本闕本監本毛本書在者下誤今正舊疏云周之八月非夏之孟秋而反為嘗故以不時言之按如包氏推麻定在九月則非不時矣通義云君子之祭也散齊七日致齊三日是故先期旬有一日帥執事而誓戒隸人掃除雍人濯概職人省閑廩人其接盛百官莫敢廢其職以服大刑今乙亥去壬申四日耳宜亦既肅既戒而猶弗謹於火致秦盛不潔然則所當議者豈唯未易災之餘云乎按何氏以為本不當嘗則不僅如穀梁所議矣

冬十有二月丁巳齊侯祿父卒疏包氏慎言云十二月書丁巳

十五年四月書丁巳所謂過時而日也若卒在十二月則適當五月之時經不應書日矣

宋人以齊人衛人蔡人陳人伐鄭

以者何行其意也注以己從人曰行言四國行宋意也宋前

納突求賂突背恩伐宋故宋結四國伐之四國本不起兵當

分別之故加以也宋恃四國乃伐鄭四國當與宋同罪非為

四國見輕重疏左氏穀梁蔡在衛上趙氏坦春秋異文箋云

公不在夷叔其母弟也猶先蔡杜注踐土召陵二會經書蔡

氏穀梁蔡在衛上似亦以大為次公羊或傳寫之次此經左

詩載芟云侯疆侯以箋云春秋之義能東西之曰以傳二十

六年左傳几師能左右之曰以有用義論語微子篇不使

大臣怨乎不以即怨乎不用也宋能用四國師故曰行其意

也春秋說云以者借人之力有能行其意者有能左右之者

四國伐鄭而宋以之可謂能行其意矣未能左右之也四國

惟均齊為大國又皆諸侯焉能左之右之惟宋馬首是瞻哉
○注以己至意也○說文行部行人之步趨也步趨為行從
人步趨亦為行引申之從人行事亦曰行四國從乎宋是行
宋意也○注突前至伐之○舊疏云宋前納突求賂上十一
年宋人執鄭祭仲突歸于鄭是突背恩伐宋上十二年及鄭
師伐宋丁未曠于宋是也按十一年左傳云亦執厲公而求

賂焉十三年云宋多責賂于鄭鄭不堪命故以紀魯及齊與
 宋衛燕戰公羊以十三年之戰為戰于魯故舊疏以十二年
 伐宋事當之。注四國至以也。毛本分誤法春秋說云春
 秋不書宋會四國而曰宋以四國伐鄭且諸侯也而稱人罪
 宋也何罪乎宋鄭之亂責宋人釀成之又以賂立突而責賂
 無厭魯再三平之而不克遂與鄭合而與宋戰則曲在宋而
 鄭未為直也至是宋復以四國伐鄭則曲在宋惟宋獨行其
 意爾獨行其意言非四國欲伐鄭也宋實以之所以罪宋云
 爾按穀梁傳云以者不以者也范注不以者謂本非所得制
 今得以之也亦罪宋之意。注宋恃至輕重。穀梁又云民
 者君之本也使人以其死非正也范云刺四國使宋專川其
 師輕民命也春秋說云四國不恤其民助宋伐鄭則四國亦
 不得從本滅焉按宋齊衛蔡陳皆君也春秋皆人之
 是與宋同罪非有輕重而宋為首惡故加以以罪之

子汝恭校字
 常熟丁國鈞參校